

摘藻堂四庫全書薈要

經部

欽定四庫全書薈要卷一千四百七十四

經部

春秋卷四

宋 張洽 撰

僖公

名申莊公之子閔公庶兄母成風謚法小心畏忌曰僖

元年春王正月

僖公之即位在高子來盟之後桓公又爲之誅哀姜不可謂不出於方伯矣然

桓公不請命於天子正君臣之經以示天下之大義故僖公之立無以異於羣公而桓公止於霸術觀僖公不書即位以考時義當知反經之學有國者不可不明也

齊師宋師曹師次于聶北

救邢

聶北杜氏註邢地或引水經云聊城縣東北有聶城今案左傳邢攝以東杜氏註聊城東北有攝城

恐傳寫之訛未可據也。次于聶北者屯兵便利以援邢而懼狄桓公用兵之規每主於持重故不遽決於一

戰而持久以待之春秋書次雖所以譏其緩而不書以則予其終有全邢之功也

夏六月邢遷

于夷儀

夷儀公羊作陳儀案輿地廣記河北邢州龍岡縣北一百五十里有夷儀嶺即所遷也。傳諸

侯救邢邢人潰出奔師師遂逐狄人具邢器用而遷之師無私焉邢遷如歸此乃因邢之欲遷而遷以定之與前邢鄩部陽宿之逼遷強取者不同故公齊師宋師曹

師城邢

傳邢遷夷儀諸侯城之救患也凡侯伯救患分災討罪禮也。案邢雖已遷無力自城諸侯若

不城之終未能以自定必遺後患桓公因其既遷命三師爲之板築使之足以守而居之安合於救患分災之禮於此若止書諸侯之師城邢則無以見桓公定邢之美意故再叙三師以見入春秋以來悉力存亡惟有此舉得南仲城朔方仲秋七月戊辰夫人姜氏薨于夷齊山甫城東方之遺制

人以歸

夷齊地。傳哀姜孫于邾齊人取而殺之于夷以其尸歸僖公請而葬之。○今案書薨于夷者

諱國之惡也言齊人以歸則爲魯誅其皐而以喪歸齊可知矣自文姜弑桓公得逃致辟而淫縱益甚使魯國

三四十十年間濁亂昏迷卒成再弑其君之禍至此齊桓舉方伯之職慶父哀姜皆誅死不赦然後三綱稍明人

倫粗正此縱皐誅惡失得之明驗也

楚人伐鄭

荆至是稱楚者蓋荆乃州之名也商頌稱奮伐荆楚

則楚亦其國之舊名但自武文以來雖駸駸強盛而未暇正其國之號名故以州稱及熊頹即位令尹子文得

政始定改號曰楚以交於中國。案前此獨來聘稱人其侵敗中國皆以州舉自此始稱號稱人則浸強而有

陵駕中國之意矣然終齊桓世雖伐滅小國止稱人者以桓之力猶足以制之也及桓沒而宋襄霸然後始列

於會盟偃然主諸侯而春秋有以爵書者矣

八月公會齊侯宋公鄭伯曹伯

邾人于櫜

櫜公羊作打。杜氏註櫜陳國陳縣西北有櫜城今宛丘縣也。傳謀鄭故也。今案楚

人伐鄭桓公不遽救而會諸侯謀之九月公敗邾師于

偃偃公羊作纓。偃邾地。方是時楚人陵駕上國公與邾同會于櫜以謀之曾未兩月僖公遽以詐敗邾

師不務睦鄰事霸以僥一時之利足以見僖公無修政刑安中國之志矣其所以免於齊人之討者必以公親至櫜而邾以人會也然齊桓新拊存魯國而不稟命擅興師之卑不加之討是爲佚罰亦足以見霸政之不足以一人心它日與曹同伐屬遠役在外而宋人乘虛伐曹有自來矣書敗邾於會櫜之後非特著魯僖無保邦之道亦見桓公霸威之不立也冬十月壬午公子友帥師敗莒師于鄆

獲莒挈

鄆公羊作犂穀梁作麗。鄆魯地。莒人來求歸慶父之賂而以兵至公子友出其不意而敗

諸鄺獲莒子之弟挈公賜季友汶陽之田及費。胡氏曰不能諭以辭命使自知其不直以抑止之又用詐謀擒其主將故以友爲主而書敗獲責之備也。十有二月丁巳夫人氏之喪至

自齊

案傳齊人殺哀姜以歸其國僖公請而葬之今乃自齊至魯也。臨江劉氏曰夫人何以不稱姜氏

貶曷爲貶夫人與於亂齊桓正其臯而討之死不以其正不可以入宗廟然則曷爲不於死焉貶夫人姜氏薨于夷齊人以歸則上之行乎下也義已矣齊以公義討之而魯以私意請之君子以爲非義是以貶乎其以喪至也。謹案古者兵死者尚不入于兆況得臯於先君見誅於方伯而可以配祖廟秩烝嘗乎故春秋於其喪至而貶之以臯魯僖之不知義也劉氏之說獨爲得之

二年春王正月城楚丘

楚丘衛地今開德府衛南縣是也。案衛滅之後齊桓公立戴

公以廬于漕漕今在滑州之白馬其年戴公卒文公立桓公城楚丘而封之今此書城楚丘蓋分板築之役于諸侯而魯往城之也桓公拯救衛人之功至使衛國忘亡而春秋無一辭以美之者桓公雖有存亡繼絕之大德而不免專天子之大權衛雖當封而周室尤不可以不尊故於此略齊桓之功而止書魯人之往城所以抑霸權而尊王

夏五月辛巳葬我小君哀姜

僖公請之故純用小君禮

而書虞師晉師滅下陽

下公羊穀梁作夏案下陽與上陽爲對下陽號之塞邑在今陝

州平陸縣上陽在陝縣號所都也當從左氏作下陽。虞周太王子仲雍所封其都亦在平陸之地號文王弟虢叔之後晉成王弟唐叔之後國都在今太原府晉獻公詭諸武公之子也武以曲沃伯篡晉獻公嗣立浸以兵吞噬近地之小國晉與虞虢爲鄰自莊公末因虢人侵晉而謀於士蒍以圖虢爲務今始與虞伐之蓋先以

重賂壁馬間虞虢之交使虞人不知其謀忘輔車相依之勢反道晉以滅下陽下陽者控制虞虢之要地晉取下陽而虞虢舉矣故春秋於此書滅而後皆不書示有國者設險守國之法書虞首兵蓋以爵先晉且如邾之道鄭所以見虞之自取滅亡而**秋九月齊侯宋公江人**深著晉人陰險兼并之詐謀也

黃人盟于貫

貫公羊作貫澤。江在汝南安陽縣今蔡州新息縣之地黃嬴姓國在汝南弋陽縣

今光州定城縣也貫今興仁府濟陰縣有貫城。齊桓謀楚先服此二國皆迫近楚之境者所以遠交而孤楚之勢此桓公服楚之規模也**冬十月不雨**穀梁傳不雨者也惟宋與盟不煩諸侯也勤雨也今案書

此以見魯國上下皆以無雨爲憂也**楚人侵鄭**楚自莊止書首時自酉至亥三月皆不雨也三十年

楚願已長殺子元用子文爲令尹子文毀家以紓國難兵勢浸強故比年侵伐鄭若非齊桓兩歲之間專以圖

楚爲事必未能制之於召陵而執宋公盟諸侯之事不在僖公十九年之後矣

三年春王正月不雨。夏四月不雨。

穀梁傳不雨者勤雨也一時言不雨

者閔雨也閔雨者有志乎民者也。愚案春秋傳心之要典三時不雨則饑饉荐臻民命阽危此雲漢所以編

於詩而去冬及今年春夏之不雨雖記陽亢時災然書法異於文公亦因以著其君尚憂民之憂也徐人

取舒

舒今廬州舒城縣。齊桓方霸而不能戢諸侯之吞并小國蓋方謀楚未暇討之亦降鄆遷陽等事

有以教之無以令之也。趙氏曰凡得國不書滅者不絕其祀也六月雨得雨而喜見

樂異於文公之不勤矣所秋齊侯宋公江人黃人會于此書雨而彼不書也

陽穀

陽穀今東平府須城縣北隋置陽穀縣。去年盟以定其交矣今歲再會申伐楚之約也。胡氏曰

諸侯之師同次于陘者桓公之正兵也。又令江人、黃人各守其境，案兵不動，以爲八國之援。觀伐楚，後令江、黃伐陳，則知之。此桓公克敵制勝，兵分奇正之謀。**冬，公子友如齊，涖盟。**涖，公羊作侯。爲陽穀之會，來尋盟。公子友如齊，涖盟。魯侯不至于陽穀，而致其上卿以盟之。魯宋爲一，而列國無不從役矣。**楚人伐鄭。**傳：楚人伐鄭。鄭伯欲成孔叔，不可曰齊方勤我，弃德不祥。

四年春，王正月，公會齊侯、宋公、陳侯、衛侯、鄭伯、許男、曹

伯侵蔡。蔡潰。

潰者，民心離而逃散也。蔡自獻舞以來，屈服于楚。桓公欲討楚，而加兵於附楚之蔡。

先責其以文王之胄而甘心於僭竊之夷。蔡衆既潰，則威震而兵強，故可以遂伐楚也。

遂伐楚次

于陘。

胡氏曰：遂者，繼事之詞。而有專意。陘，楚地。杜氏註：潁川召陵縣有陘亭。今潁昌府鄆城縣也。楚

自魯桓二年蔡鄭會鄧已懼其爲中國患又積五十年
富強吞并之力今比年伐鄭氣陵中國所幸齊自桓公
入國舉管仲以治民訓兵至此方能率諸侯之師正其
臯而討之使其君臣震恐遣使如師可謂有功於中國
矣然桓公本無湯武之學而管仲復未嘗有聞於君臣
之大義故揆之天吏討臯之法則不奉天子之命未敢
正其僭王之臯僅致屈完來師請服受盟然其與屈完
觀師恃力驕矜形於辭色遂來方城漢水之對屈完之
歸卒踐此言不純屈服時出于紀滅弦救鄭故曾西得
以鄙其功烈之卑書遂伐楚以譏其專書次于陘以著
其師有節制用能懾懼楚人底定中國免民左社也

夏許男新臣卒

傳言卒于師
陸淳以爲非

蓋召陵地屬潁川潁川今之潁昌府長社縣去許密邇
故許男疾而歸也。臨江劉氏曰古者君即位爲柝歲
一漆之出疆必載柝卒于師曰師于會曰會正也許男
新臣卒非正也所以著許男新臣之爲人君不知命也

楚屈完來盟于師盟于召陵

召陵在今鄆城縣漢之潁川郡召陵縣也屈完楚大

夫之名氏也書名氏嘉其服義而進之也來而不書使者春秋待夷狄謹嚴之法雖錄屈完名氏以進之若書

楚子使屈完則一同於中國君臣之辭矣故書楚屈完來盟以嘉其服義不書楚子使以嚴夷狄之分而伸齊桓方伯之體屈完既至而桓公退師以禮楚與盟以堅其求服之志於是見桓公之待楚進退有禮雖不足以盡王者之義而夫子所謂一正天下民到于今受齊人賜實二百四十年甚盛之舉不得不序其績也

執陳袁濤塗

表左氏作轅案釋文左氏亦作表云本亦作轅。公羊傳濤塗之皐何辟軍之道也

其辟軍之道奈何濤塗謂桓公曰君既服南夷矣何不還師濱海而東服東夷且歸桓公曰諾於是還師濱海而東大陷于沛澤之中顧而執濤塗執者曷爲或稱侯或稱人稱侯而執者伯討也稱人而執者非伯討也此

執有臯何以不得爲伯討古者周公東征則西國怨西
征則東國怨桓公假塗于陳而伐楚則陳人不欲其反
由己者師不正故也不脩其師

秋及江人黃人伐陳

程子

而執濤塗古人之討則不然也曰齊命也。謹案左氏與公羊所傳表濤塗之臯大同
小異如左氏說則齊師終由陳反但怒表濤塗之言耳
今案若果由陳鄭而歸則何必魯及江黃伐陳又再勤
諸侯之師乎以此考之則知公羊大陷沛澤之說爲信
所以桓公怒陳之深至於八月公至自伐楚師出三時
興諸侯之師伐而又侵也見久役之

勞也葬許穆公。冬十有二月公孫茲帥師會齊人宋人

衛人鄭人許人曹人侵陳

茲公羊作慈。再侵者陳近於楚伐而未得其成則陳必

不服故侵以列國之師待其服而後已觀孟子謂成湯
之征伐至於歸市者不止耕者不變若時雨降民大悅

則桓公於此慙德多矣況大兵之後復以師出重困諸侯乎兵以憤興則後有當討者應之必怠人亦侮之故楚終不服鄭伯逃盟以至弦不能救而坐視其滅皆怒陳之過致之也故春秋詳書伐侵以著其辜凡孟子之書論湯武之拯民切切於王霸之德力與子路管仲之人品皆述聖人之志明春秋之大旨也

五年春晉侯殺其世子申生

申生獻公之世子公既立爲冢嗣後又嬖驪姬而欲

立其子奚齊因外嬖梁五東關嬖五之譖使申生居曲沃士薦曰大子不得立矣不如逃之爲吳大伯不亦可乎申生弗聽閔之二年公又使申生伐東山臯落氏狐突勸大子行又弗聽及是大子歸昨驪姬毒而獻之公殺大子之傅杜原款或謂大子子辭君必辨焉大子曰君非姬氏居不安食不飽我辭姬必有臯曰子盍行乎曰被此名以出人誰納我乃縊于新城。陸淳曰申生有愛父之心而陷父於不義使讒人得志國以大亂諺

所謂小仁大仁之賊也。今案春秋於此斥晉侯而目殺世子者蓋獻公嬖寵庶孽聽讒如流輕世適之重忽社稷之計申生既死而公卒之後奚齊亦被殺徒設此心兩俱弃之致晉亂二十餘年兵敗國破此董仲舒所謂爲人父而蒙首惡之名者即此書法可以考筆削之權衡而示有國之鑑戒矣

杞伯姬來朝

其子

伯姬來杜氏以爲寧成風也其子蓋年十餘歲杞伯在而使其子隨母以來也然朝者宗廟朝廷之

上諸侯相見之禮公在而使其子行之又使婦人參之著杞伯與僖公之失正也

夏公孫茲如

牟

年見桓公十五年

公及齊侯宋公陳侯衛侯鄭伯許男曹伯

會王世子于首止

公羊穀梁作首戴杜氏註陳留襄邑東南有首鄉襄邑今屬拱州然以爲

衛地則非也。王世子惠王之長子鄭也初惠王取陳嬀爲后生子鄭及叔帶愛叔帶欲立之齊桓公以其廢

長立幼將啓亂階遂率諸侯會王世子于首止示天下
戴之以爲天王之貳所以尊國本絕亂階也。穀梁氏
曰及以會尊之也何尊焉世子云者唯王之貳也桓諸
侯也不能朝天子是不臣也王世子子也塊然受諸侯
之尊已而立乎其位是不子也桓不臣王世子不子則
所善焉何也是則變之正也。程子曰世子王之貳不
可與諸侯列世子出諸侯會之故其辭異胡氏因此論
世子之班位以葵丘宰周公與王人同列於諸侯之上
而不殊以尊之知後世欲次皇太子于三公宰相之下
者自天子而言欲屈遠其子示謙德也若夫定上下正
分義必用春秋之法使羣臣得伸其敬於王之貳然後
貴有常尊而上下辨矣此春秋之書法所以別嫌明微
而建諸天地無秋八月諸侯盟于首止無中事而舉諸
豪釐之悖者也

秋八月諸侯盟于首止

無中事而舉諸侯以

明世子不與盟也再稱首止美之大者也此盟蓋會王
世子之禮已畢約諸侯以同戴世子尊王室殆亦束牲

載書而不歃血與世子天下之本本不可搖苟適庶之位一亂則善惡各有所宗故君心稍偏欲廢適立庶是爲小人先立宗主而陰長陽消之形見矣方伯者察天下之勢而正救於未亂者故桓公之謀寧周春秋之義舉也穀梁曰盟者不相信也故謹信也不敢以所不信而加之尊者桓公此舉其義既明其禮復正此所以爲一正天下之功而再

鄭伯逃歸不盟

惠王徇后之意欲

公此舉使周公謂鄭伯曰吾撫汝以從楚輔之以晉可以少安鄭伯喜於王命而懼不朝於齊欲逃歸孔叔止之曰國君不可以輕輕則失親失親患必至不聽逃其師而歸○桓公之舉天下之公義也惠王之命一人之私心也逃者匹夫之事也鄭伯背公徇私違棄衆善行同匹夫故書逃歸不盟以深罪之

楚人滅弦

弦子奔黃

杜氏註弦國在弋陽鞅縣東南任公輔曰地譜光州光山縣故弦國黃地已見二年○傳

楚鬬穀於莧滅弦弦子奔黃於是江黃道栢方睦於齊
皆弦姻也弦子恃之而不事楚又不設備故亡鬬穀於
莧楚之名大夫也輔楚顯以當齊桓雖外受盟于召陵
而內懷負固之心至此窺見王懷愛叔帶之意而不悅
桓公此舉遂因王間鄭而親帥師滅弦書人臯之也弦
子書奔不服於楚而逃去之不名以爲尚可望以興復
其國故不絕也至於忘宗社事仇讎然後名之名之乃
絕之也黃弦同壤而黃受弦子之奔楚之滅黃亦自此
始矣然桓公不能救弦以啓救鄭圍許之紛紛蓋楚之
滅弦已出於迅雷不及掩耳之計矣公於此時因弦子
之奔而率諸侯以討楚復弦豈不足以立中國之威
而制楚之橫與故詳書以臯桓公之失此幾會也

九

月戊申朔日有食之。冬晉人執虞公

虞稱公嘗爲天子之三公也啖

氏曰春秋時以強暴弱故執諸侯皆稱人亂辭也。傳
晉侯復假道於虞以伐虢宮之奇諫曰虢虞之表也虢

亡虞必從之晉不可啓寇不可玩一之謂甚其可再乎
諺所謂輔車相依唇亡齒寒者虞虢之謂也弗聽許晉
使八月晉侯圍上陽十二月滅虢虢公醜奔京師師還
館于虞遂襲虞滅之執虞公。易稱王公設險以守其
國蓋國者先祖所傳而世守之下陽二國之門戶虞虢
所恃不可失也一失其險則是自徹門戶坐待束縛今
虞公貪璧馬之近貨忘家國之將絕而以國之所恃資
敵故書滅下陽於前而書晉人執虞公於後則晉獻無
道絕滅虢叔虞仲之祀與夫虞公之自取亡滅
片言具見所以戒後世者可謂深切著明矣

六年春王正月。夏公會齊侯宋公陳侯衛侯曹伯伐

鄭圍新城

新城傳曰新密杜氏以爲滎陽密縣今屬鄭
州討去年逃首止之盟也。胡氏曰以霸主

諸侯之力圍新造之邑圍而不舉有
遺力者矣蓋桓公欲待其自服也

秋楚人圍許諸侯

遂救許

圍許之役蓋攻其所必救以解新城之圍也釋鄭而救許所以抑暴而救患此見桓公之急於

義也故書遂以予之

冬公至自伐鄭

師出三時

七年春齊人伐鄭

鄭未服故復伐齊力足以制之不煩諸侯也

夏小邾子來

朝

公羊作小邾婁子後同。杜氏註邾來始得王命而來朝也邾之別封故曰小邾二邾皆曹姓

鄭

殺其大夫申侯

傳載陳轅濤塗譖申侯之事蓋未可信而言申侯申出自楚奔鄭理或有之惟

申侯不忘故國所以道鄭伯背霸從楚以啓霸主討鄭而致殺身之禍與

秋七月公會齊侯

宋公陳世子款鄭世子華盟于甯母

穀梁作甯母甯甯音通甯母魯地杜

氏註高平方與縣有泥母亭音如甯。案陸氏纂例公穀無鄭世子華云左氏有之誤加之也今公穀皆有姑

存之。傳言齊侯因管仲之言而修禮於諸侯。諸侯官受方物又不受鄭世子爲內臣之請以見管仲之於桓

公正救多矣

曹伯班卒

班公羊作般古通用

公子友如齊。冬葬曹昭

公

八年春王正月公會王人齊侯宋公衛侯許男曹伯陳

世子款盟于洮

洮曹地。公羊傳王人者何微者也。曷爲序乎諸侯之上先王命也。愚案齊

桓雖主會而先王人足以訓矣而使之與諸侯之盟非所以示尊尊也。胡氏曰春秋之法內臣以私事出朝者直書曰來以私好出聘者不稱使以私情出計者止錄名不以其貴故尊之也。以王命行者雖下士之微序乎方伯之上不以其賤故輕之。也可以觀春秋尊君之義矣。

鄭伯乞盟

鄭伯欲與於盟而不可得

桓公以首止之逃外之也亦足以見霸權之重而可以使鄭伯之自反矣夏狄伐晉襄陵許氏曰晉

恃強且遠不與齊合是以狄得侮之秋七月禘于大廟用致夫人禮不王不禘禘

者祭其祖之所自出以其祖配之非魯之所得用于大廟大廟周公廟也此當書有事于大廟而曰禘于大廟

者以見禘之非禮論語所謂自灌而往者吾不欲觀之而記禮者又以爲夫子嘗與子游言之以魯之郊禘爲

非禮蓋異於祀宋有天子之事守此書禘而不書大事之意也穀梁傳用者不宜用者也致者不宜致者也言

夫人必以其氏姓言夫人而不以氏姓非夫人也立妾之辭也劉向以爲成風而唐啖趙本朝劉氏孫氏胡氏

皆從之劉氏胡氏之說詳矣范甯所謂夫人者正嫡之稱謂非尊妾之嘉號以妾體君則上下無別欲尊其母

實卑其父此言明白得春秋之旨者也冬十有二月丁未天王崩惠王也不書葬

魯不
會

九年春王三月丁丑宋公御說卒

御公穀作禦

夏公會宰周

公齊侯宋子衛侯鄭伯許男曹伯于葵丘

宰冢宰周公名孔王之三

公食采於周扶風雍縣東北周城是葵丘杜氏註宋地陳留外黃縣東有葵丘今開封雍丘縣也宋桓公卒未葬而襄公會諸侯故曰子穀梁氏譏其背殯出會以爲無哀蓋非有金革至急之事喪僅踰時豈可出乎然比之以嘉禮行而稱爵者雖同非禮亦孟子所謂百步五十步之間耳宰周公天子之爲政者不殊會之宰權雖重非世子貴有常尊之可比也傳曰會于葵丘尋盟且修好也王使宰孔賜齊侯胙桓公之會盛於此矣

七月乙酉伯姬卒

內女也公羊氏曰婦人許嫁字而笄之死則以成人之喪治之言不以殤

秋

降也九月戊辰諸侯盟于葵丘書諸侯宰孔先歸不與盟也其義與首止同盟之載

書詳載孟子其一命之詞三綱所繫蓋修身正家之要自此以下尊賢敬臣子民柔遠人懷諸侯之意略備故穀梁氏曰陳牲而不畝讀書加于牲上壹明天子之禁其提挈綱領以正率人蓋春秋之所未有故於此再書葵丘以美之雖然大學之道有諸己而後求諸人無諸己而後非諸人桓公於易樹子以妾爲妻之禁終不免躬自犯之則何以令諸侯固無以正天下矣況道不足以治心諸侯方服而驕公羊氏以爲震而矜之叛者九國左氏亦記宰孔遇晉侯如會而謂之曰齊侯不務德而勤遠略遂止晉侯之行蓋本源不正而驕吝形其視夫諸侯大會而作誥謂茲朕未知獲戾于上下慄慄危懼若將隕于深淵以謹造邦匪彛愾淫之戒者何翅霄壤之殊哉聖人道大德宏以齊桓霸功積累甲戌晉侯至此而成是以姑掩其不足而叙其美也

俛諸卒

左氏作甲子不應甲子在戊辰後合從公羊作甲戌俛公穀作詭晉獻公也

冬晉里

克殺其君之子奚齊

殺公羊作弑。傳晉獻公卒里克不鄭欲納文公故以三公子之徒

作亂初獻公使荀息傳奚齊公疾召之曰以是藐諸孤辱在大夫其若之何對曰臣竭其股肱之力加以忠貞其濟君之靈也不濟則以死繼之冬里克殺奚齊于次荀息將死之人曰不如立卓子而輔之荀息立公子卓以葬。穀梁氏曰其君之子云者國人不子也不正其殺申生而立之也胡氏論不子之說詳明可以爲穀梁之義疏。愚案奚齊謂之其君之子以晉獻公殺適立庶而奪之也齊舍未踰年而謂之君以舍之正而與之也或抑或揚得是非之公可以觀矣

十年春王正月公如齊

莊公十三年柯之盟魯已服齊雖莊公因婚姻一再如齊自此

魯不朝齊者幾二十年蓋桓公霸業未成不責諸侯以朝禮也今僖公始朝齊見於葵丘之後霸體漸肆諸侯不朝天子而朝狄滅溫溫子奔衛溫今孟州溫縣本周霸主自是始矣蘇忿生之邑。傳蘇子叛王即狄又不能於狄狄人伐之王不救故滅此見王靈不振畿內諸侯狄得滅之此天王出居鄭之權輿也晉里克弑其君卓及其大夫荀息卓公羊

○案外傳驪姬將殺申生而難太子之傳里克謀於優施飲里克酒爲鳥鳥集枯之歌以感動里克里克欲中立以免難稱疾不朝驪姬遂得以成其殺申生之謀及獻公卒乃殺奚齊卓子而欲納重耳聖人以里克當申生未死之前不能以死正諫而中立以求免坐視太子之無罪而死以成驪姬讒賊之謀及其終也逆獻公之遺命而弑二君夫奚齊卓子雖庶孽而有先君之命以立乎其位則固里克之君也君臣之分已定而犯上作

亂如此故正名其弑君而荀息不失信於君得以死節
書此其定臯所以爲輕重之權衡非聖人莫能修之也
荀息書及著其節也書大夫不失其官也
里克荀息之得失予奪胡氏論之詳矣
夏齊侯許男

伐北戎

北戎山戎也薛氏曰當是時患有大於戎者狄
及晉楚是也晉滅虢滅虞狄嘗入衛逼邢前年

伐晉近又滅溫召陵之後楚滅弦圍許豈可置而不圖
捨強圖弱守衛果如是乎所謂不務德而勤遠略汎許
方患楚而毆以伐
晉殺其大夫里克
里克再弑其君而
戎非用入之道也
其誅不以討賊之

辭言之蓋里克在獻公父子則爲賊而惠公幸奚齊卓
子之死而得立初未嘗有討里克之心獨以其志在重
耳而不在己懼其又將以己爲奚齊卓子是以殺之蓋
其事與專殺大夫無以異固不得以討賊之辭書之也
○穀梁傳里克所爲弑者重耳也夷吾
曰是又將殺我乎故殺之
秋七月。冬大

雨雪

公羊作電

十有一年春晉殺其大夫平鄭父

傳晉惠公使平鄭聘于秦且謝緩賂鄭言

於秦伯曰呂甥卻稱異芮實爲不從若重問以召之臣出晉君君納重耳蔑不濟矣秦伯使泠至報問且召三子卻芮曰幣重言甘誘我也遂殺平鄭及里平之黨。案惠公志於得國而無人君之度外則失信於秦內則忌克多殺故平鄭雖有私謀貳夏公及夫人姜氏會齊心而春秋以累上之辭書之也

侯于陽穀

陽穀齊地。男女無別則潰亂生諸侯會霸主而婦人與焉君臣之大義夷夏之大計凡

所當講者必有所不及而般樂瀆亂淫浸日長宜桓公自是以往黃亡不救徐救不力女寵盛行霸業遂衰而魯僖之急弃國政亦秋八月大雩旱也穀梁傳雩得雨自此始矣可不戒哉

冬楚人伐黃

中國夷狄之勢相爲消長而末有不原於心故曰毋怠毋荒四夷來王桓公怠荒之

心見於陽穀之會矣楚人已占之於江漢之間而遂興伐黃之師也

十有二年春王三月庚午日有食之

不書朔失之

夏楚人滅

黃

書滅著夷狄之強中國不救而黃君死於其位公羊所謂亡國之善辭上下之同力者也

秋七月

○冬十有二月丁丑陳侯杵臼卒

公羊作處曰

十有三年春秋侵衛

楚既滅黃而莫之恤狄侵衛之師所以肆行也

夏四月葬

陳宣公。公會齊侯宋公陳侯衛侯鄭伯許男曹伯于

鹹

杜氏註東郡濮陽縣東南有鹹城衛地淮夷病杞故且謀王子帶之難也

秋九月大雩。

冬公子友如齊

陽穀甯母及鹹之會其後公子友皆如齊蓋伐楚服鄭城緣陵之事魯皆同之

足以見友專魯政也

十有四年春諸侯城緣陵

杜氏註杞邑漢書地理志北海營陵臣瓚曰春秋謂之緣

陵今濰州昌樂縣。傳諸侯城緣陵而遷杞焉不書其人有闕也此蓋避淮夷而遷之於緣陵其事蓋與楚丘同而當是時齊桓拯救諸夏之志怠矣故經書詳不如城邢略不如楚丘亦輕重之權衡也

夏六月

季姬及鄆子遇于防使鄆子來朝

鄆穀梁作繒後同鄆國禹後姒姓漢屬東

海郡晉屬琅邪今在沂州承縣東北有鄆故城又有鄆山。季姬不繫國是未適人也而與鄆子遇於防蓋僖公鍾愛其女使自擇配其失父道而不謹於男女之別甚矣鄆子與季姬遇聽其使而朝魯使來請已夫婦之

始而不正如此書之所以記僖公之不父鄆子之不失非所謂永終知敬者也秋八月辛卯沙

鹿崩

鹿漢書元后傳作麓。公羊曰河上之邑穀梁曰林屬於山爲麓沙山名也詩所謂高岸爲谷者謂

是類也此晉邑也不言晉劉氏曰山不可狄侵鄭狄數以繫國古者名山大澤不以封諸侯守之冬蔡

侯肸卒

十有五年春王正月公如齊

至此始純用五年一朝之制同於事天子之禮矣

楚人伐徐

傳曰徐即諸夏故也

三月公會齊侯宋公陳侯衛侯鄭

伯許男曹伯盟于牡丘

牡丘齊地齊語曰蔡五鹿中年蓋與牡丘以衛諸夏之地註云

四塞諸夏之關也。地譜云：與匡近。葵丘之盟，諸侯既聽命矣。此爲楚人伐徐而合諸侯，即驅之討楚，救徐可也。又從而盟之，諸侯不一故也。人心已一而復貳，非伯主救災恤患之心怠，而人始懈乎？君子屢盟，亂是用長。此心之盛衰，霸業之所從而盛衰也。故特書盟于牡丘，而霸主諸侯之心皆疑不足，以保徐，斷可知矣。遂

次于匡公孫敖帥師及諸侯之大夫救徐

匡衛地今開封府長垣縣

西南。何氏曰：言次者，譏諸侯緩於仁恩，既約救徐而生事，次止不自往，遣大夫往卒不能解也。胡氏曰：徐在山東，與齊密邇，楚都于郢，距此遠矣。今楚肆其憑陵，暴橫而桓公之救特勉強不得已而應之，耳書此所以著其德衰誠息而攘夷安夏之志怠也。

夏五月日有食之

不書朔與日

秋七月

齊師曹師伐厲

厲今隨州隨縣在徐楚之間，攻楚之必救以解徐也。謹案兵法攻所必救，謂

之奇兵然繼此楚敗徐于婁林則屬在所不必救明年而後不克救而還正所謂未聞攻之久者況同盟不同心而宋已伐八月螽公羊作蠓九月公至自會暴師三時不能救徐大無

同役之曹乎

八月螽

公羊作蠓

九月公至自會

暴師三時不能救徐大無

也功季姬歸于郕

解見上

己卯晦震夷伯之廟

震爲雷凡霆擊之怒皆震

之發也夷伯展氏之祖父夷謚伯字大夫卒則書謚字○正蒙曰凡陰氣凝聚陽在內者不得出則奮擊而爲

雷霆不善之積蓋亦如此傳言展氏有隱慝故程子以爲夷伯之廟震而言震夷伯之廟天應之也然天之怒擊每在於惡稔而人誅不加之後故春秋書震者惟此事耳詩云敬天之怒無敢戲豫敬天之渝無敢馳驅昊天曰明及爾出王昊天曰旦及爾游衍君子冬宋人伐知天之日監而畏其威如此所以事天也

冬宋人伐

曹

傳曰討舊怨也莊十四年曹嘗從齊桓伐宋宋至今憾之今諸侯始貳曹方有王事而襄公乘虛伐之尚

可繼桓而圖霸乎故永嘉薛氏以爲伐厲而宋人內叛此則桓德之衰襄志之私皆可見矣

楚人敗

徐于婁林

婁林杜氏註

下邳僮縣東南有婁亭今在泗州臨淮縣。書以見楚兵之獨勝而救徐之

威不立伐厲之謀無補也

十有一月壬戌晉侯及秦伯戰于韓獲晉

侯

韓後爲韓國今同州韓城縣。秦晉之曲直左氏載之詳矣秦三施而晉無報所以秦伐晉而不書又以

晉主是戰也韓簡亦言師少於我鬬士倍我蓋秦直故勇晉曲故老晉惠公背惠蔑施以虛氣抗秦所以師敗身執而大辱國也不言晉師敗績君重於師也胡氏論之詳矣秦舍晉君於外已而歸諸晉所以不言以歸也

十有六年春王正月戊申朔隕石于宋五

隕公羊作賈。傳隕星也。

程子曰自空凝結而墜也。不言石隕而言隕石是天應之。

是月六鵠退飛過宋都

鷦穀梁作鷽。是月言非戊申且失其日也。鷽水鳥也。宋都令應天府宋來告故書。程子曰：退飛倒逆飛也。必有氣驅之。此二事皆記異也。星隕爲石不祥也。鷽退飛不順也。宋襄欲圖霸而無其德，故天出怪異以警懼之。卒之五年被執，六月壬申，公子季友卒。書：季友年兵敗天之示人顯矣。三月壬申，公子季友卒。蓋公子友以立僖公之功，生而賜之氏，俾世其卿也，故特書其氏以著待大臣不以禮法爲陰始凝之戒。夏四

月丙申，鄆季姬卒。

內女出嫁，青紀伯姬、叔姬、宋共姬皆書其葬。獨鄆季姬杞伯姬不書葬，杞

伯姬以出不書。胡氏曰：僖公鍾愛季姬，使自擇配。季姬不能自克，以禮恃愛而行，雖書其卒，因奪其葬，所以謹夫婦正人倫。明王教也。秋七月甲子，公孫茲卒。冬十有二月，公

會齊侯、宋公、陳侯、衛侯、鄭伯、許男、邢侯、曹伯于淮。

淮杜氏曰

臨淮郡左右案臨淮郡後漢下邳國今泗州。傳會于淮謀鄆且東略也。城鄆役人病有夜登丘而呼曰齊有亂不果城而還。

十有七年春齊人徐人伐英氏

英氏與國也。傳齊爲徐伐之。

英氏以報婁林之役也。此見桓公之興師未矣。

夏滅項

項國子爵漢屬汝南今陳州項城縣。案

傳淮之會公有諸侯之事未歸而取項齊人以爲討而止公。程子曰滅人之國羣惡大矣在君則當諱故魯滅國書取今項之滅君在會季孫所爲也故不諱於此見聖人文理密察亦所以示人五刑五用必審其人然

後當秋夫人姜氏會齊侯于卞

卞魯地今在襲慶府泗水縣。傳聲姜以公故

會齊侯于卞。今案大臣滅項而止僖公刑已偏頗九又遠會婦人于魯地此管仲既亡桓公志荒之政也

月公至自會

傳九月公至書曰至自會猶有諸侯之事焉且諱之也。今案諱之者以爲國惡也

公會諸侯而大臣滅人之國得臯於伯主其身見執反國不討無政刑矣故謹致之冬十有二月

乙亥齊侯小白卒

東萊呂氏曰桓公雖能用管仲攘夷狄伯諸侯有一正天下之功然仲本

無正心誠意格君之學徒急於一時之功利卒致五子之亂其所以有始無終者家法不正也管仲且有三歸之失豈能正其君哉

十有八年春王正月宋公曹伯衛人邾人伐齊

公羊宋公下有

會字。傳齊侯之夫人三王姬徐嬴蔡姬皆無子齊侯好內多內寵內嬖如夫人者六人長衛姬生無虧少衛姬生惠公元鄭姬生孝公昭葛嬴生昭公湣密姬生懿公商人宋華子生公子雍公與管仲屬孝公於宋襄公

以爲大子易牙有寵於衛共姬因寺人貂以薦羞於公
亦有寵公許之立無虧管仲卒五公子皆求立桓公卒
易牙入與寺人貂因內寵以殺羣吏而立公子無虧孝
公奔宋襄公以諸侯伐齊三月齊人殺無虧○今案長
幼有定分桓公管仲不能自制其尊卑正否之辨而輕
屬幼少以爲亂階齊之君臣既失其制命之義矣今桓
公未葬長子既立宋襄不能從宜因勢順其少長以撫
定之使得以終桓公之喪乃成桓之私意帥四國之諸
侯奉少奪長大亂齊國春秋書宋公以爲戎首深辜之
也○臨江劉氏曰諸侯失國諸侯納之正也何以不曰
納公子昭于齊不與納也曷
爲不與納公子昭非正也

夏師救齊

穀梁傳善救齊也

五月

戊寅宋師及齊師戰于贏齊師敗績

傳齊人將立孝公不勝四公子之徒

遂與宋人戰夏五月宋敗齊師于贏立孝公而還○泰
山孫氏曰春秋伐者爲客受伐者爲主今以宋主齊不

與宋襄伐齊也。宋襄伐人之喪，擅易人之喪，擅易人之喪，擅易人之喪。狄救齊，常山劉氏

主其臯大矣。程氏傳書敗績，責齊臣也。曰：齊新有喪，而諸侯加兵，不道如此。狄乃能行義以兵救之。聖人哀中國，無王諸侯，怙亂滅義，夷狄之不若也。

秋八月丁亥葬齊桓公。

杜氏註：十一月而葬，亂故也。八月無丁亥日誤。桓公自入國

以來，急於功利，志於富彊，其處已待人，皆不以正心正家爲務。肉未及寒，而庶孽爭國。宋伐其喪，豕子見殺，國

幾於亡。足以見霸者功烈之卑，聖門不道之實矣。冬，邢人狄人伐衛。邢黨狄以

其曲直則衛之忘恩背霸，以伐喪奪長，宜得聲臯致討之師。故人狄以進之，見聖人臯衛之深也。

十有九年春，王三月，宋人執滕子嬰齊。

高郵孫氏曰：齊桓之盛，江黃之

遠，猶歛社聽命而滕自幽盟之後，未嘗列於衣裳之會。今又不能尊事大國，以取執辱，故書名臯之。宋公藉齊

桓之後非有德義以服諸侯肆己之強一會虐二君非伯討也故書人以貶之春秋不以不正治人所以人宋

而名滕子也

夏六月宋公曹人邾人盟于曹南

宋公公羊作宋人○曹南

者曹之南也二國稱人蓋亦效桓公北杏之會使大夫聽命也一年之間使邾執鄆子不以德令曹人不服以

師圍之圖霸之始無以服人心矣

鄆子會盟于邾己酉邾人執鄆子用

之傳以爲宋公使邾文公用鄆子于次睢之社劉氏以爲不然曰鄆子爲季姬所使而朝魯春秋尚書使鄆

子來朝豈宋公可使之用鄆子而不書乎○今案蓋鄆子會曹南之盟而後期宋公使邾執之邾鄆世仇因附

勢而肆虐用之惡也觀後日戕鄆子亦出於邾則邾之虐鄆必自用鄆而天子方伯不誅所以復出爲惡與何

休以爲魯本許嫁季姬於邾季姬淫洩使鄆子請秋宋已因此二國交忿臨江劉氏亦信其說未知然否

人圍曹

討不服也夫近者說遠者來齊桓之霸屈意去忿盟魯平宋以致諸侯先近故也今襄公欲圖

諸侯近於宋者莫如曹滕滕既執矣曹方與盟已而復叛不從子魚內省德之言而亟事干戈故胡氏以爲欲

速見小利之過衛人伐邢衛不自省其從宋伐喪之宜其不遂霸也罪而以報復爲事臯之也冬

會陳人蔡人楚人鄭人盟于齊

公羊會上公字以諸侯皆稱人考之當從左

氏穀梁○傳陳穆公請修好於諸侯以無忘齊桓之德故盟于齊○今案地以齊盟于齊之國都齊亦與盟也楚欲得志於中國久矣齊桓討而攘之其後桓志稍衰滅黃敗徐駸駸抗衡然尚有所懼也桓公既沒宋襄欲圖霸而諸侯不服故楚假不忘桓德之說求參與中國之盟會而行其志陳蔡及鄭近楚而素降服者故先受其謀齊孝公親見其父極力攘楚僖公又號爲荆舒是懲者亦聽其甘言忘桓公討伐之志遂納之國都而與

盟不知非我族類其心必異楚遂因是以行其志於中國明年爲鹿上之盟及孟之會因執宋公故春秋諱魯而人諸侯以謹楚梁亡梁嬴姓國伯爵虞伯翳之後梁人與盟之始也地今屬同州韓城縣○梁伯內則沈酒酒色心昏而出惡政外則好土功而輕民力亟城而不處民罷而不堪則曰某寇將至乃溝公宮民懼而潰秦遂取梁蓋其國之亡本自內作如魚之爛外未見而內先潰矣春秋變法以書諸侯自取滅亡者有二晉人執虞公猶言兵已加於頸而不自知也梁亡言國自亡而不之覺也此胡氏所謂如化工之賦形而異於畫筆之肖像者也

二十年春新作南門

杜氏註魯城南門也本名稷門僖公更高大之今猶不與諸門同改

名高門○穀梁氏曰作爲也有加其度也言新有故也非作也○愚謂凡春秋之書工役皆所以重民力謹興

作也南門如不可不作則當與泮宮閼宮同不書矣今南門特書新作正閼子所謂仍舊貫如之何何必改作

者故特書以示譏也

夏郚子來朝

郚姬姓國後漢志濟陰成武北有郚城

五月乙巳

西宮災

薛氏曰西宮魯之貳室也

鄭人入滑

傳滑人叛鄭而服於衛鄭公子士洩堵寇帥師

入滑○案鄭入滑何以書記天王出居鄭之始釁也

秋齊人狄人盟于邢

傳爲邢謀衛難

也於是衛方病邢○書狄例以國稱而同之於齊稱人之列者昔宋伐齊喪而狄能救之今衛欲滅邢而狄謀存之從中國以救災恤患非夷狄之事故人以進之人狄則臯衛之意明矣是足以見聖人仁天下之公心也

冬楚人伐隨

傳隨以漢東諸侯叛楚冬楚鬬穀於莧伐隨取成而還○愚案楚力方彊隨欲復漢東諸侯於中國而德不足以勝之此其所以召兵而自屈也左氏臯其不量力未若孟子師文王之論

二十有一年春狄侵衛

因邢之盟也孝公不能嗣父之業楚狄皆因之以爲中國患此

齊邢之盟所以兩書而邢衛並受其禍也

宋人齊人楚人盟于鹿上

杜氏註鹿上宋

地汝陰有原鹿縣宋主盟故在齊楚上。傳宋爲鹿上之盟以求諸侯於楚公子目夷曰小國爭盟禍也宋其亡乎幸而後敗初襄公欲合諸侯臧文仲聞之曰以欲從人則可以人從欲鮮濟。今案霸中國者宋之欲也亂中國者楚之欲也欲霸中國而求之於夷狄亂常之楚與之同盟此春秋所以列序而人之以著襄公之自取敗辱也

夏大旱。秋宋公楚子陳侯蔡侯鄭伯許男曹伯

會于孟執宋公以伐宋

孟公羊作霍穀梁作雩。傳諸侯會宋公于孟子魚曰禍其在

此乎君欲已甚其何以堪之於是楚執宋公以伐宋。公羊傳宋公與楚子期以乘車之會公子目夷諫曰楚

夷國也強而無義請以兵車往會宋公曰不可吾與之約以乘車之會自我爲之自我墮之不可楚人果伏兵車執宋公以伐宋。愚案孔子相定公會齊侯此會中國也猶以文事不可無武備請司馬以行以楚之夷而可信其詐僞之約乎徒出會之是輕以其身涸於虎狼之羣也不免宜矣陳蔡鄭許曹皆中國也蠻夷執會主而無一人伸義以正其曲直之分豈非自同於夷狄之類乎故以諸侯同執爲文亦以臯襄公非但不能識楚人譎詐之心且無以知五國之不同心而輕爲是會也懷諫求欲以及於禍所謂愚而好自用者宋襄之謂與

冬公伐邾

爲邾滅須句故

楚人使宜申來獻捷

來魯獻捷者僖公雖不與於孟

之會而魯爲中國之大邦楚方求駕中國故假宋捷以威魯也楚子稱人貶其詐以執宋公也上書諸侯執宋公而此書楚獻捷足以明楚之執矣逞其詐力而誇示於我僖公不能拒絕而受其使命待以賓禮特書來獻

而不言宋爲內諱也孟之會諸侯以同執示貶宜申十
之來魯以受捷諱惡或抑或揚婉而成章此之謂也

有二月癸丑公會諸侯盟于薄釋宋公

薄任氏曰史記作亳漢山陽薄

縣湯所都也案地譜拱州考城漢薄縣即湯都古字通
用。宋與楚本無怨隙特以襄公不勝其求諸侯之欲
而請於楚楚反以詐執之諸侯若能使人征繕而修
文告之辭明宋之直正楚之卑則楚人當義愧情屈而
歸宋公之不暇矣今僖公脅於獻捷之威而不知明自
反而縮之義伸中國之正理反與五國爲會求盟於楚
以請宋公而後得釋正中楚人之詭計春秋不書會楚
子而曰會諸侯亦不書宋公歸自楚而曰釋宋公蓋其
執其釋皆制於夷而聖人務全中國之體故諱之而書
曰公會諸侯于薄釋宋公諱之者蓋以爲中國之大恥
而臯魯與諸侯之無能爲也

二十有二年春公伐邾取須句

句公羊作胸後同。須句今東平府須城縣。

傳任宿須句顯夷風姓也邾人滅須句須句子來奔因成風也成風爲之言於公春伐邾取須句反其君焉。

今案僖公非有崇明祀保小寡之公心而徒徇母之私意故此役之舉無以服邾而致升陞之寇春秋書之亦不異於他日

夏宋公衛侯許男滕子伐鄭

傳鄭伯如楚夏宋公伐鄭

之伐取也

子魚曰所謂禍在此矣今案襄公嘗困於楚矣疾疢雖甚而德慧術智未有以增益其所不能穀梁氏所謂不能反其知以治人過

秋八月丁未及邾人戰于升陘

傳邾人以須句故出師公卑邾不設備而禦之臧文仲曰國無小不可易也無備雖衆不可恃也詩云敬之敬之天維顯思命不易哉先王之明德猶無不難也無不懼也況我小國乎弗聽戰于升陘我師敗績邾人獲公

曹縣諸魚門。今案書及公戰也不言敗諱恥也存心苟公臨事必懼觀此則知春取須句非有存亡繼絕之公心
冬十有一月己巳朔宋公及楚人戰于泓宋師敗

審矣
績傳楚人伐宋以救鄭宋公將戰大司馬固諫弗聽戰于泓宋人既成列楚人未既濟司馬曰彼衆我寡及其未既濟也請擊之公曰不可既濟而未成列又以告公曰未可既陳而後擊之宋師敗績公傷股門官殲焉國人皆咎公公曰君子不重傷不禽二毛寡人雖亡國之餘不鼓不成列子魚曰君未知戰勅敵之人隘而不列天贊我也阻而鼓之不亦可乎猶有懼焉雖及胡奇獲則取之何有於二毛明恥教戰求殺敵也傷未及死如何勿重若愛重傷則如勿傷愛其二毛則如服焉。愚謂觀春秋以襄公主是戰則知聖人卑其愎諫求欲昧大義而徇小節以取敗國殄民自及其身之禍楚子救鄭而不言救又貶稱人惡夷狄也

二十有三年春齊侯伐宋圍緡

緡穀梁作閔後同。漢志山陽郡東緡縣春秋

時作緡今濟州金鄉縣是。十八年宋伐齊納孝公也齊侯忘宋襄納己之德而修伐宋之舊怨因宋襄敗于

泓而圍其邑穀梁傳所夏五月庚寅宋公茲父卒茲公謂不正其以惡報惡也

慈。傳傷於泓故也。愚謂僖公已有志秋楚人伐陳

於附楚忘盟薄之信故不會宋襄之葬

傳楚成得臣帥師伐陳以其貳於宋也遂取焦夷城頓而還子文以爲之功使爲令尹成得臣子玉也成得臣

敢於猾夏而闕穀於菟賞以冬十有一月杞子卒杞成貴仕春秋稱人之意可見矣

杞夏之後周之三恪桓公之世稱侯及朝莊公稱伯微弱故也今稱子者傳以爲杞夷也夷而稱子所謂中國

諸侯而用夷禮則夷之者也

二十有四年春王正月。夏狄伐鄭。

二十年鄭人入滑
滑人聽命後又即

衛鄭又伐之王使爲之請鄭怨王與衛滑不聽王命而
執王使王怒將以狄伐鄭富辰諫曰鄭懿親也狄聾昧
頑嚚之姦也今天子不忍小忿弃鄭親以從諸姦無乃
不可乎襄王弗聽使頡叔桃子出狄師夏狄伐鄭取櫟
○襄陵許氏曰鄭執王使是無王也王啓狄師是無中
國也天下何恃不亂近世如唐晉資夷狄之力以定中
國蓋不講於春秋戒秋七月。冬天王出居于鄭傳王

襄王之所以出也

秋七月。冬天王出居于鄭

德狄

人將以其女爲后富辰諫曰狄固貪怵王又啓之女德
無極婦怨無終狄必爲患王又弗聽初王子帶有寵於
惠后惠后將立之未及而卒帶奔齊王復之又通於隗
氏王替隗氏頡叔桃子曰我實使狄狄其怨我遂奉大
叔以狄師攻王王御士將禦之王曰先后其謂我何寧
使諸侯圖之王遂出及坎欲國人納之秋頡叔桃子復

奉帶以狄師伐周大敗周師獲周公忌父原伯毛伯富
辰王出適鄭鄭處于汜帶以隗氏居溫。今案鄭非王居
而言居于鄭者普天之下莫非王土也然王之失德自
我致寇故自周無書出者而特書出居于鄭如王者無
敵而書王師敗績于茅戎皆言其自取之
以見天難忱斯不易維王不可以不戒也
晉侯夷吾卒

案傳晉惠公以二十三年九月卒其子圉懷公嗣立今
年正月秦伯納文公重耳二月入于曲沃使殺懷公于
高梁不書皆不告也杜預以爲文公定位而後告惠
公喪春秋據諸侯策書赴告而作經徐邈論之詳矣

二十有五年春王正月丙午衛侯燬滅邢

初衛文公將
伐邢禮至曰

不得其守國不可得也我請昆弟仕焉乃往得仕春衛
人伐邢二禮從國子廵城掖以赴外殺之正月丙午滅
邢禮至爲銘曰余掖殺國子莫余敢止邢周公之胤也
聖人以興滅繼絕爲心而甚惡不仁而滅絕宗祀者至

於同所自出不知相保而肆強以絕滅之又使其臣爲
譎詐之事行盜賊傾覆之計天理所不容故名之同於
楚子虔之夏四月癸酉衛侯燬卒。宋蕩伯姬來逆婦
誘殺也。

伯姬魯女而爲蕩氏之婦者也逆婦不書蕩氏使姑來
魯逆婦非禮也諸侯嫁女於大夫主大夫以與之公之
自主之亦非禮也兩譏之。臨江劉氏曰內女雖親體
不敵則不書於策所以尊君也今君失其禮以愛易典
主大夫之昏是卑朝廷而慢宗廟非安上治民之節也。
宋殺其大夫義見曹殺秋其大夫註

楚人圍陳納頓子于頓

頓姬姓國杜氏註汝陰南頓縣今屬陳州。頓子迫於陳而不

能有其國故楚圍陳然後能納之聖人書此見中國諸
侯不能恤小國而定其位反使夷狄行其義閔中國之
也。無霸葬衛文公。冬十有二月癸亥公會衛子莒慶盟

于洮

洮魯地衛成公稱子喪未踰年也莒慶不氏未命也。傳衛人平莒于我盟于洮脩文公之好且及

莒平也

二十有六年春王正月己未公會莒子衛甯速盟于向

連公羊作邈。向見莒人入向註十二
月己盟今又屢盟所以致齊之討也

齊人侵我西鄙

傳討是公追齊師至鄆弗及

鄆公穀作菑。杜氏註濟北穀城縣西有地名鄆下

後漢屬東郡今屬東平府東阿縣穀梁傳弗及內辭也
可以及而不敢及。臨江劉氏曰所謂弗及者非弗能
及也弗敢及也寇至不能禦追又不敢
及非爲民父母之道舉百姓而弃之也

夏齊人伐我北

鄆傳齊孝公伐我北鄆公使展喜犒師使受命于展禽
鄆齊侯言室如懸磬野無青草魯人恐乎對以恃周公

大公之盟誓齊侯乃還春秋以
其爭盟而侵伐亟舉故人之
衛人伐齊

二盟乃衛人平莒于我故

爲魯公子遂如楚乞師

傳東門襄仲臧文仲如楚乞師藏孫見子玉而道之伐齊宋以

其不臣也。○愚嘗論之僖公初年頗有意於治國務農

閔雨國以殷富詩春秋可見也中年以來漸肆荒怠初

附齊桓浸失政於大臣滅項取邾齊桓既沒不及閒暇

修明政刑民事既荒國備不立齊人再伐已不能支而

遠乞師於夷狄以刷其恥孔子臯臧文仲竊位蓋爲人

臣謀國而從公子遂遠借兵於強夷此春秋特書如楚

乞師深臯爲國之無謀也使其立展禽以爲政所

以輔僖公者必有道矣何至乞楚師以伐齊哉

秋楚

人滅夔以夔子歸

夔今之歸州秭歸及興平縣皆有夔子城公羊作隗非是。○傳夔子不祀

祝融與鬻熊楚人讓之對曰我先王熊摯有疾鬼神弗

赦而自竄于夔吾是以失楚又何祀焉楚成得臣帥師

滅夔以夔子歸。○臨江劉氏曰：楚祖鬻熊，夔祖熊摯，諸侯之祀不過其祖。是夔於祀典不得祀，祝融與鬻熊也。

而楚反以是責而滅之，貪而不義。楚皐，大矣。故夔子不名，所以黜楚而伸夔也。冬，楚人伐宋，圍

緡。傳：宋以其善於晉侯也，叛楚。即晉冬，楚公以楚師伐

齊，取穀。書以義見。桓十四年，楚師而魯君以之。楚以其

狄之兵僖公之免，可謂幸矣。公至自伐齊。親夷狄伐鄰國，特書至危之也。

二十有七年春，杞子來朝。杞書子見二。夏六月庚寅，齊

侯昭卒。傳：齊孝公卒有齊。秋八月乙未，葬齊孝公。乙

巳，公子遂帥師入杞。傳：入杞，責無禮也。○愚謂：人方來朝而帥師入之以怨報德，此所謂

欲加之臯何冬楚人陳侯蔡侯鄭伯許男圍宋傳楚子患無辭者也

圍宋。穀梁傳楚人者楚子也。其曰人何也。人。楚子所以人諸侯不正其信夷狄而伐中國也。趙氏曰四國

申夷狄之威屈中國之義。書曰楚人則陳蔡鄭許從之。臯昭然可見矣。十有二月甲戌公

會諸侯盟于宋

詩頌僖公戎狄是膺荆舒是懲而春秋書公會諸侯盟于薄于宋皆楚子爲會

主也。膺狄懲荆從齊桓也會楚虐齊宋僖公親之也。然猶曰會諸侯不曰會楚使公從夷狄之臯必待考而後見聖人之忠厚春秋之微婉槩可見矣

二十有八年春晉侯侵曹晉侯伐衛

傳宋公使公孫固如晉告急先軫曰

報施救患取威定霸於是乎在矣。狐偃曰楚始得曹而新昏於衛若伐曹衛楚必救之則齊宋免矣。春晉侯將

伐曹假道于衛衛人弗許還自南河濟侵曹伐衛取五
鹿晉侯齊侯盟于斂孟衛侯請盟晉人弗許。今案報
施救患取威定霸者文公君臣之規模也故先侵曹伐
衛若以大義興師則當先乞師伐齊從楚圍宋之臯而
魯與陳蔡所宜首加討伐曹衛之新附豈侵伐所當先
哉況昵齊與盟而不許衛請足以見其志止在恩怨之
分明而諸侯之有臯無臯初未嘗問也

公子買戍衛不

卒戍刺之

傳公懼於晉殺子叢以說焉謂楚人曰不卒
戍也子叢買字。今案懼於晉而殺公子買

者其實也謂不卒戍而刺之者以解於楚也蓋戍衛者
楚命也魯衛本兄弟之國若推至公之心俾買往戍之
則買之不卒戍可誅然其名如此而其情則不然書之
之詳所以見其辭之不直而情之甚私買之死實非其
臯不止於專殺
楚人救衛
衛服罪請盟文公不許懷報
怨之意不聽衛侯之改過自
大夫而已也

新失霸主寬洪之德故春秋與夷狄以恤患之名罪晉文之忌克也

三月丙午晉侯入曹

執曹伯畀宋人

傳晉侯圍曹聽輿人之謀稱舍於墓曹人兇懼因其兇也而攻之入曹數之以

其不用僖負羈而乘軒者三百人也令無入僖負羈之宮而免其族宋人使門尹般如晉師告急公曰宋人告急舍之則絕告楚不許我欲戰矣齊秦未可若之何先軫曰使宋舍我而賂齊秦藉之告楚我執曹君而分曹衛之田以賜宋人楚愛曹衛必不許也喜賂怒頑能無戰乎公說執曹伯分曹衛之田以畀宋人。杜氏註執諸侯當以歸京師晉欲怒楚使戰故以與宋所謂誦而不正。○愚案自晉侯侵曹至此皆春秋著文公致楚與由也

夏四月己巳晉侯齊師宋師秦師及楚人戰于城

濮楚師敗績

齊桓之伐楚致屈完于召陵楚未大創也故次年即滅弦救鄭終桓公之霸楚爲患

而不能制文公欲霸天下以爲楚不大創不足以定霸
故欲戰而勝楚以取威而後霸業定當是時楚爲齊宋
二國之患救之宜也然文公出亡之時見禮於齊宋二
國而過衛與曹皆不禮而見辱故其救患之心止在於
報施曹衛二國負不禮之辜而與楚非如魯與陳蔡有
附楚圍伐中國之辜也文公欲虐曹衛以報怨且致楚
與戰以取威乃不許衛盟使衛出其君執曹伯以快宋
人之心因激楚人之怒而使之不得不戰以取一勝之
功其救患取威皆譎而不正之事雖楚自是大創而行
不義殺不辜亦已多矣故賤楚而稱人以夷狄之書晉
侯主是戰誅**楚殺其大夫得臣**從晉師晉侯在外十九
年矣而果得晉國險阻艱難備嘗之矣人之情僞盡知
之矣天之所置不可廢也得臣請戰曰非敢必有功也
願以間執讒慝之口旣敗王使謂之曰大夫若入其若
申息之老何及連穀而死今稱國以殺者楚子自得臣

伐陳立爲令尹授以兵柄令其圍陳圍宋所以道之無
非猾夏狙勝之事故雖知晉之不可敵而不能使之退
師況得臣之剛而無禮方且恨其君不殺晉公子以致
此而輕視文公志在狙勝豈一日之言所能號令之哉
師敗而不能自反其平日求勝無厭之臯方且責其無
以見申息之老故春秋謂得臣乃楚子之大夫平日縱
使其猾夏求勝及其一敗而輒殺

衛侯出奔楚

衛文公

之也故稱國以殺而不去其官
文敵怨不當在其後嗣而文公報怨之意未嘗一日忘
于心故衛人雖未嘗從楚圍伐宋齊而首伐之請盟弗
許致其國人出君以說于晉皆盟主徇私之所致也故
曰衛之禍文公爲之而衛侯不名責晉文也○胡氏曰
高帝封雍齒而功臣皆喜光武燒弃文書而反側悉安
使文公釋怨許衛請盟則諸侯歸心矣忿不思難惟怨
是圖必使衛侯竄身無所奔于荆蠻兄弟相殘君臣交
訟夫心不外者乃能統大衆智不鑿者乃能處大事文

公欲主夏盟而舉動煩擾若不勝任者惟鑿智自私而心不廣也

五月癸丑公會晉侯

齊侯宋公蔡侯鄭伯衛子莒子盟于踐土陳侯如會

者王

之威不足以制諸侯而諸侯之力乃足以攘却夷狄懷服天下聖人於易坤五爻繫之辭曰黃裳元吉謂必得中居下則大善之吉也文公於勝楚之後即帥諸侯朝天于然後受侯伯錫命之策對揚大輅戎輅彤弓虎賁之賜乃合於在師中吉而當三錫之命以懷服萬邦即所謂黃裳元吉得坤德之正矣文公負震主之威不帥諸侯朝王而致天子屈尊下勞失正位居體之道非所以正天下大分諸侯之受盟陳侯之新附皆爲文公而來若書天王下臨而列踐土之盟則尊卑倒置綱常易矣故即其可書者記之而天王下勞沒而不書以示天下之大訓書公會晉侯某人某人盟于踐土陳侯如會公朝于王所正胡氏所謂去其實以全名而天下之大

倫尚存而不滅者也故

公朝于王所

言王所則非京師也言所而不言京

師後人不知其諱而謂出居於鄭未復京師皆不考本末而昧於春秋之大旨也豈知婉而成章之法固見於

此與六月衛侯鄭自楚復歸于衛

衛成公之書復歸蓋位本其位而國本其國也

然而名之何也聽讒慝之言殺無辜之弟也或曰殺之者前驅也則衛侯何辜蓋殺元咺之子角又自疑叔武

先期而入此叔武之所以死於前驅也

衛元咺出奔晉

易曰自下訟上患至掇也成公殺叔

武雖可謂大弗友元咺以臣而訟君可乎然亦晉文惡衛侯之心有以召之也雖赴愬于晉而得志亦著其當

誅之陳侯款卒。秋杞伯姬來公子遂如齊

杞伯姬來而杞之

怨釋公子遂如齊而取穀之憾解中國貴於霸權之立如此此可以觀邵子所謂功之首者矣

冬公會

晉侯齊侯宋公蔡侯鄭伯陳子莒子邾子秦人于溫

穀梁

無齊侯。傳討不服也。杜氏註陳共公稱子先君未

葬也。宋襄公稱子而從本班。今陳稱子降在鄭下。陳懷

公稱子乃在鄭上。主會者次也。天王狩于河陽壬申公朝

于王所

河陽古孟津地。今懷州河陽縣。傳是會也。晉侯召王以諸侯見。且請王狩。仲尼曰：以臣召君

不可以訓。書曰：天王狩于河陽。語曰：名不正則言不順。以天子之尊而下從臣召其名不正。故溫之會諱之。古

有巡狩之禮。帝王以來未之有。改王狩而諸侯朝則名正。而言順。故書之。如察其實則踐土之盟初無以異於

河陽之狩。而晉文不能盡尊尊之義。猶前志也。後世如郭子儀李晟立不世之勲而自處未嘗敢有一日之過

君者與之。此邵子所以指文公爲臯之晉人執衛侯歸

魁者也。公羊傳曰：不與再致天子也。

之于京師

此元咺訟衛侯于晉而文公右元咺故衛侯之詞不見直而見執也天子在是故遂以歸

于京師也或者乃以襄王至是乃復于京師果如其言則非有所諱何爲而不書況書執衛侯歸京師而天王

之復乃不書此必不然之理也○程子曰歸于者順易之辭歸之于者強歸之辭也君臣無獄而文公惡衛侯

使與元咺辯曲直衛侯不勝遂刑其大夫執其君其衛聽頗矣雖歸于王而實強致之故曰歸之于京師也

元咺自晉復歸于衛

叔武雖死而非成公實殺之元咺豈得以此訟其君而致之繆緄元

咺歸衛異於蔡季華元之歸特書復者著其假霸主之力遂其無君之心也

諸侯遂圍許

溫

之諸侯也許比再會不至故共伐之○襄陵許氏曰許能從齊而不能從晉何邪蓋齊桓自北杏後十七年乃因侵許而服之伐楚之後許坐受圍救而後定蓋使失其所繫如此之難自桓公之沒諸侯從楚衆矣許在鄭

之南密邇於楚至於此時離中國久矣許人一服楚之威令是以難變也。○今案許固以其近楚而難從中國然晉文一以威力控制諸侯許亦知晉之威不足以已而德不足以懷楚是以果於不服雖合中國之力不能回也

曹伯襄復歸于曹

晉侯莖疾曹伯之豎侯孺貨莖史以得免其歸之道不得其正

矣叔孫豹叔孫婼見執於晉或求貨而爲之言豹與婼不與而拒之大夫之知義者猶恥以貨利苟免也況諸侯乎曹伯襄之名春秋以枉已遂會諸侯圍許曹伯迫者不足以正人失君國之道也

遂會諸侯圍許

於晉之

威令一年拘執而得釋亟會於圍許之役晉之強役已甚而曹之弱可閔也雖然此亦豈所以服許哉

二十有九年春介葛盧來

介今密州膠西縣地東夷國葛盧介國君之名。傳介葛

盧來朝舍于昌衍之上公在會饋之芻米。公羊傳何以不言朝不能乎朝也

公至自圍許

其致

以圖許久役而不能服也

夏六月會王人晉人宋人齊人陳人蔡人

秦人盟于翟泉

公羊穀梁作公會翟公羊作狄杜氏註翟泉洛陽城內大倉西南池水也。傳

公會王子虎晉狐偃宋公孫固齊國歸父陳轅濤塗秦小子憖盟于翟泉尋踐土之盟且謀伐鄭也。程子曰晉連年會盟皆在王畿之側而此盟復迫王城又與王人盟強迫甚矣故諱公諸侯貶稱人惡之大也。杜氏曰當是時諸侯無事王室無虞而王子虎下盟列國以瀆大典諸侯大夫上敵王人公侯虧禮傷教故於此諱公而人諸侯也王秋大雨雹胡氏曰雹者戾氣之所感子虎不名同貶也也陰脅陽臣侵君之象僖公在位日久政在冬介葛盧來傳以未見公故復來朝也大夫之所招也

三十年春王正月。夏狄侵齊

狄間晉有鄭虞而侵齊文公終始以徇私報怨

累其政致夷狄內秋衛殺其大夫元咺及公子瑕元咺有訟

君之臯其君執於京師而偃然歸國假霸主之權以易置其君臯固大矣然書公子瑕不與衛剽同蓋瑕不居

其位也成公既殺叔武矣立瑕者元咺之臯誅之可也

不自反其殺叔武非臯之過又遷怒於瑕親親相讎非君國子民之道故同衛侯鄭歸于衛衛侯得臯於霸主

以累上之辭言之也

子瑕長惡不悛故書名晉人秦人圍鄭案左氏晉侯秦而不曰復以深臯之

晉侯修怨殘民秦伯求援而後舉兵也與荆介人侵蕭再求來魯而次年遂侵蕭

人秦術同冬天王使宰周公來聘天子三公兼冢宰而使來聘魯用見周室陵夷

大臣失職也公子遂如京師遂如晉胡氏曰此遂以二事出也周以上公來聘魯侯

不朝又使公子遂以二事出夷王室於列國大不恭之舉不待貶而惡見也

三十有一年春取濟西田

公羊傳取之曹也其言取之何晉侯執曹伯班其所侵地

于諸侯也。趙氏曰凡力得之曰取不當取也惡其專有雖取本邑亦無異辭。愚案復魯之舊地亦與非其有而取之者同辭蓋無王命以正疆理皆取之不以其道也。況晉之奪諸曹以與魯本以其私憾而非有至公之義。公子遂如晉傳取濟西田分曹地也臧文仲往宿于重館重館人告曰晉新得諸侯必

親其共不速行將無及也從之分曹地自洮以南東傳于濟盡曹地也襄仲如晉拜曹田也詳此則晉魯之私

槩可見矣。夏四月卜郊不從乃免牲魯之得郊與其郊非禮失文武周公之意

見於桓五年大雩之釋詳矣非魯之得為故不曰大事于上帝而曰郊也。公羊傳三卜禮也四卜非禮也禘

嘗不卜郊何以卜卜郊非禮也卜郊何以非禮天子祭
天諸侯祭土天子有方望之事無所不通諸侯山川不
在其封內者則不祭也○愚案公羊所傳蓋先王祭禮
之正法周公豈自踰其制禮之意而容後世子孫輕亂
大典乎故曰周公其衰也由是觀之郊者乃魯歲舉之
常祀至此乃因四卜不從與三望而書之也卜郊之禮
當以十二月下辛卜正月上辛不吉則以正月下辛卜
二月上辛又不吉則以二月下辛卜三月上辛又不吉
則不郊今復以三月下辛卜用四月故曰三卜禮也四
卜非禮也○穀梁傳曰免牲者爲之緇衣纁裳有司玄
端奉送至于南郊免牛亦然○胡氏曰中庸曰郊社之
禮所以事上帝也宗廟之禮所以祀乎其先也明乎郊
社之禮禘嘗之義治國其如指諸掌乎庶人之不得祭
五祀大夫之不得祭社稷諸侯之不得祭天地非欲固
爲等差蓋不易之定理也知其理之不可易則猶三望
安於分守無欲僭之心矣爲天下國家乎何有

望者望祭也公羊曰泰山河海鄭康成以河不在魯竟故以海岱及淮爲徐州之竟而魯之所祀杜氏以爲分

野之星國中山川孔氏疏曰魯於十二次降婁魯之分野其祭奎婁之神也○臨江劉氏曰星辰民所瞻仰也

山川民所取財用也○愚謹案公羊之說必有所傳鄭氏恐臆說蓋天子四望故王雖令魯郊而止行祈穀之

郊今魯得望祭而特比天子闕其一故三望與郊書之無異而書曰猶書猶亦言不當望而猶望祭也如使魯

望祭不出竟則何爲書三望而又加之曰猶若壬午猶繹之書乎故每於免牲不郊之下特書猶以譏之也

秋七月○冬杞伯姬來求婦

易曰歸妹天地不交而萬物不興歸

妹人之終始也說以動所歸妹也征凶位不當也無攸利柔乘剛也杞伯姬以求婦而踰竟是杞伯之不能正

家也僖公容其來求是使柔乘剛而國事制於婦人也特書以爲婦人與政之戒春秋閑有家之道嚴矣成公

世杞叔姬之不終其歸杞
不見經或者權輿於此與
狄圍衛十有二月衛遷于帝

丘狄閔二年入衛齊桓公救而封之自此狄不敢加兵於衛桓公之力也齊桓即世衛文忘齊之大德從宋

襄伐齊殺冢嗣而立不正於是狄人始假義以伐衛衛人忘恩而啓狄之寇蓋始於此自晉文興不復侵伐相攻矣今復圍衛而衛迫狄遷都此胡氏所以臯晉文不能攘夷致爲中國之患然非文公惡衛之深屢行報怨之事則狄亦不敢肆行如此也帝丘濮陽今屬開德府濮陽縣帝顓頊之虛故曰帝丘濮陽今屬開德府

三十有二年春王正月○夏四月己丑鄭伯捷卒公羊傳捷

作接鄭文公也衛人侵狄秋衛人及狄盟傳狄有亂衛人侵狄狄請平焉秋衛人及

狄盟○杜氏曰不地就盧帳盟也○謹案夷狄而即其盧帳以與盟於是始有如唐德宗召平涼之辱者矣所

以特書而冬十有二月己卯晉侯重耳卒示戒也

三十有三年春王二月秦人入滑

秦穆公謀鄭而使三

成而中道滅滑公羊左氏載其事詳矣孟明視西乞齊

侯使國歸父來聘○夏四月辛巳晉人及姜戎敗秦于

殽

左氏穀梁作秦師劉氏胡氏從公羊達老成之言貪利越國以襲人而喪師夷狄之道公羊無師蓋得聖

人之意必有所傳穀梁傳以敗秦師爲狄之蓋援中國與夷狄不言戰皆曰敗之之例恐非春秋意其曰秦之

爲狄自穀始意亦必有所傳而失之也○劉氏傳其謂之秦何秦之所以爲狄者與人之臣而謀其君利人之

喪而襲其國弱人之孤而死其親背大臣而與小臣圖事貪得利而弃其師也○程子曰晉不稱君居喪未葬

不可從戎也忘親背惠其惡大矣故稱晉人及姜戎以臯之

癸巳葬晉文公

傳晉發命遽興

姜戎子墨衰經敗秦師于殽遂墨以葬文公晉於是始墨此穀梁氏所謂譏其釋殯而主乎戰也

狄侵

齊○公伐邾取訾婁

公羊作叢穀梁作訾樓

秋公子遂帥師伐邾

僖公懷升陘之敗以晉文方霸而未敢興報怨之師今晉方有喪秦狄內訌故君臣間有事而交伐邾以取利

據事直書其臯見矣

晉人敗狄于箕

傳晉侯敗狄于箕卻缺獲白狄子杜氏註太原陽邑縣有

箕城○任公輔曰白狄狄別種也西屬雍州近於秦

冬十月公如齊十有二月公

至自齊

傳以爲國歸父來聘臧文仲以其有禮而請公朝以比事屬辭觀之間晉而虐邾所以因齊聘

而朝之以自託也

乙巳公薨于小寢

不終於路寢言即安之非正也

隕霜不殺

草李梅實

襄陵許氏曰僖公寬仁過厚其失也豫而文公以暗弱繼之三桓之盛自僖公始卒以專

魯咎徵著矣


晉人陳人鄭人伐許

許自文公所不能致襄公今年敗秦敗狄又伐先世

所不致之許孔子曰遠人不服則脩文德以來之今襄公承業之志自以爲勤然不知忘喪毒民失道之甚也



春秋卷四



覆校官檢討臣季學錦

校對官庶吉士臣朱攸

謄錄監生臣李春和

欽定四庫全書薈要

經部

春秋張氏集註卷

五至七

詳校官原任侍講

臣

王燕緒



欽定四庫全書薈要卷一千四百七十五

經部

春秋卷五

宋 張洽 撰

文公

名興僖公之子夫人聲姜所生謚法慈惠愛民曰文

元年春王正月公即位○二月癸亥日有食之

公羊有朔字

天王使叔服來會葬

傳內史叔服○公羊傳會葬禮也

夏四月丁巳葬

我君僖公

五月而葬

天王使毛伯來錫公命

傳毛伯衛也○穀梁傳禮有受

命無來錫命錫命非正也○劉氏曰錫命者何命為諸侯也諸侯在喪稱子踰年即位喪畢以士服見於王王乃於廟命之喪未畢而命之非禮也晉侯伐衛

不朝霸主而伐

同盟此其所
以受兵也

叔孫得臣如京師

杜氏註得臣叔牙之孫
○傳拜錫命也○高郵

孫氏曰文公即位未嘗如周而天子使大夫來錫命
公受命矣又不自朝而使得臣往其不臣可知矣
衛

人伐晉

霸主聲卑致討不自反其不仁無禮之
卑乃稱兵以伐之故書人卑孔達也

秋公孫

教會晉侯于戚

晉侯伐衛圍戚取之秋晉侯疆戚田故
公孫教會之戚衛地在頓丘衛縣西

冬十月丁未楚世子商臣弑其君頤

公羊穀梁作髡○
不言其父而言其

君者稱世子以見有父之親稱其君以見有君之尊而
商臣於二者之義絕也推原其故由楚子頤在位四十
六年更齊桓晉文之時僭王猶夏力爭諸侯齊桓既歿
益肆憑陵詐行戰勝執宋成齊毒被中國及城濮之敗
聲勢消沮欲易世子謀及婦人自取篡弑蓋荆蠻無道
之極感應之理故至於此後世如匈奴頤曼魏拓跋珪

唐安祿山史思明朱全忠本朝西夏曩霄皆以跋扈橫行毒被天下中國不能制而受禍於其子積不善之餘殃千載一律故商臣之惡特書之使為君父者知謹履霜之戒以此坊人猶有在位日久驕欲廢立議論不決以啓庶人劬之禍

公孫敖如齊

始聘通嗣君也

二年春王二月甲子晉侯及秦師戰于彭衙秦師敗績

彭衙秦地杜氏註馮翊郃陽縣西北有彭衙城今屬同

州白水縣○傳秦孟明帥師伐晉以報殽之役晉侯禦

之及秦師戰秦師敗績晉人謂秦拜賜之師○程子曰

越國襲人秦臯也忘親背惠晉惡也秦經人之國以襲

人雖憤無可為辭矣故來不稱伐晉不謝丁丑作僖公

秦而與戰故書晉及憤以取敗故書敗績

主公羊傳為僖公作主也主者曷用虞主用桑練主用

栗用栗者藏主也作僖公主何以書譏不時也○今

案事亡如事存故作主以象神而祭之禮既葬作主於墓不終日而虞祭不忍一日忘親也僖公元年四月葬今乃作主慢三月乙巳及晉處父盟傳晉人以公不朝而違禮甚矣來討公如晉晉人

使陽處父盟公以恥之書曰及晉處父盟以厭之也適晉不書諱之也○胡氏曰不書公者抑大夫之位正君臣之分也適晉不書反國不致為公諱恥存臣子之禮也○愚案盟于晉之都而君不出恥甚矣故諱之夏

六月公孫敖會宋公陳侯鄭伯晉士穀盟于垂隴隴公羊穀

梁作斂○杜氏註滎陽縣東有隴城鄭地○傳公未至穆伯會諸侯及晉司空士穀盟于垂隴晉討衛故也陳侯為衛請成於晉執孔達以說自十有二月不雨至于秋七月穀梁傳

言不雨文不憂雨也不憂雨者無志乎民者也○胡氏曰書不雨至於秋七月而不曰至于秋七月不雨者蓋

後言不雨則是冀望欲雨之詞而非文公之意也夫書不雨至秋七月即八月嘗雨矣而不書八月雨見文公不以民事繫憂樂也其怠於政可知而魯衰自此始矣

八月丁卯大事于大廟躋

僖公

大事者因嘗祭而祔僖公于廟大合自周公伯禽以來之主于大廟而祭之故曰大事穀梁所謂著

祫嘗公羊所謂毀廟之主陳于大祖未毀廟之主皆升合食于大祖五年而再設祭也躋升也僖公乃閔公之臣子宜祔于閔公之下今用宗人夏父弗忌非禮之言升僖公于閔公之上故三傳以為逆祀蓋昭穆祖禰至是逆亂故特書以識之案此乃吉祭而不冬晉人宋人言者閔二年書已明此主為逆祀書也

冬晉人宋人

陳人鄭人伐秦

傳晉先且居宋公子成陳轅選鄭公子歸生伐秦取汪及彭衙而還以報彭衙

之役。程子曰秦以憤取敗晉可以已矣而復伐秦報復無已殘民結怨故貶稱人公子遂如齊

納幣

公羊傳納幣不書此何以書譏喪娶也娶在三年之外則何譏乎喪娶三年之內不圖婚三年之恩疾矣非虛加之也以人心為皆有之娶者大吉也非常吉也其為吉者主乎己以為有人心者則宜於此焉變矣

三年春王正月叔孫得臣會晉人宋人陳人衛人鄭人

伐沈沈潰

沈姬姓國杜氏註汝南平輿縣北有沈亭今案漢志汝南治平輿故沈子國今屬蔡州○

傳莊叔會諸侯之師伐沈以其服於楚也沈潰凡民逃其上曰潰○常山劉氏曰兵加而民潰君之不能可知矣

夏五月王子虎卒

傳翟泉之盟王人王子虎也王叔文公卒來赴弔如同盟○胡氏曰

王子虎不書爵譏之也天子內臣無外交以同盟而致恩禮是以私情害公義也

秦人伐晉

秦傳

伯伐晉濟河焚舟取王官及郊晉人不出遂自茅津濟封穀尸而還○今案秦穆公既歸自穀而作秦誓矣然彭衙及此役猶以報復為事豈非悔過之心不能勝其恥敗之心而至此乎秦伯書人皐之也秋楚人

圍江

江見僖公二年

雨蝨于宋

記

冬公如晉

○十有二月己巳

公及晉侯盟

傳晉人懼其無禮於公也請改盟公如晉及晉侯盟○不書地盟于晉都也

晉

陽處父帥師伐楚以救江

公羊穀梁並無以字○公羊傳此伐楚也其言救江何為

護也其為護奈何伐楚為救江也○胡氏曰以者不以者也救江善矣其書以何當是時楚有覆載不容之皐晉宜大合諸侯聲皐致討庶幾震恐而江圍可解矣計不出此乃獨遣一軍遠攻疆國豈能濟乎然則救江雖善而所以救之者非其道矣○今案楚商臣無父無君乃欲致患於江是禽獸逼人之甚以中國諸侯為己任

者豈得安居而以伐楚之任付之大夫而已乎晉襄不能率諸侯乘此時誅之此春秋特書以正其不能奉天討之

臯也

四年春公至自晉

自是而後公至多書前乎此者遠不能詳故多略也

夏逆婦姜

于齊

程氏曰納幣在喪中與喪昏同也稱婦姜已成婦也

卿亦失其職矣○愚謂聖人嚴吉凶之辨蓋人之所以異於禽獸者正以有父子之親而三年之喪哀戚之至也國君為風教之首而納幣於喪中此聖人所深痛故變逆女為逆婦姜不復成其夫人之禮以見人倫之本既已大失矣何以正是

狄侵齊○秋楚人滅江

江之不祀晉襄

公之無遠謀也

晉侯伐秦

傳圍祁新城以報王官之役○愚案晉襄以王官之役不報為恥未若商

臣之得志於江為恥之大也報秦而不誅商臣使亂臣
賊子得以夷滅小弱逞其凶毒晉襄之為盟主末矣比
事書之深臯晉侯不以江亡為恥而敵秦怨也
衛侯使甯俞來聘甯武子也冬十有

一月壬寅夫人風氏薨

風氏之稱夫人僖八年詳矣○陸淳曰自成風之後妾母皆僭

用夫人之禮故亦書薨著其非禮○程子曰仲子始僭
尚未敢同嫡也成風已後嫡妾亂矣○胡氏曰禮庶子
為君為其母無服不敢貳尊者也春秋於成風記
其卒葬各以其實不為異辭所以謹禮之變也

五年春王正月王使榮叔歸含且賵

珠玉曰含含口實也車馬曰賵○胡

氏曰不書來請之也○劉氏曰王何以無天言是非天之法也始以妾為嫡也

三月辛亥葬我

小君成風

陸淳曰自葬成風之後乃有二夫人祔廟非禮也

王使召伯來會葬

穀梁召作毛○召伯天子卿召采地伯爵王不稱天與桓元年歸仲子暵及今年含且暵同譏會寵妾之葬失禮之甚也○胡氏曰含暵而又會葬其事益隆亂人倫廢王法益甚矣再不稱天聖人於此尤謹其戒而不敢

略也夏公孫敖如晉○秦人入郿今襄陽宜城縣地有故城○傳郿叛楚即秦又

貳於楚夏秋楚人滅六六國皋陶之後杜氏註今廬江六縣○任公輔曰地譜壽州安

豐縣有六國故城今屬安豐軍○傳六人叛楚即東夷楚成大心仲歸帥師滅六楚公子變滅蓼臧文仲聞六

與蓼滅曰皋陶庭堅不祀忽諸德之不建民之無援哀哉冬十月甲申許男業卒

六年春葬許僖公○夏季孫行父如陳行父季友之子秋季孫

行父如晉○八月乙亥晉侯驩卒公羊傳驩作讎冬十月公子

遂如晉葬晉襄公○晉殺其大夫陽處父晉狐射姑出

奔狄

傳晉初蒐于夷命狐射姑將中軍趙盾佐之已而大傅陽處父聘于衛而至遂改蒐于董謂趙盾能

曰使能國之利也乃以盾將中軍而為國政及襄公卒狐射姑怨陽處父易其班使續鞫居殺陽處父○案左氏則若晉國之事一聽於陽處父者及考穀梁氏所謂君漏言則知易中軍之將乃陽處父密言於襄公公不能謹而輕漏之以致狐射姑之殺處父此春秋所以分其殺於君與大夫也狐射姑使續鞫居殺處父事已顯故春秋微之襄公漏言而害成於處父其事幽晦故書晉殺其大夫以明之聖人於易節之初九明不出戶庭之理而於陽處父之事著其

閏月不告月猶朝于廟

趙氏

曰天子常以每歲冬班明年正朔於諸侯諸侯受之每月奉月朔甲子告廟所謂稟正朔也文公以閏非正不

告月朔但以其日至廟拜謁而已故曰猶朝于廟○愚案月者取日月之會辰而定朔閏者所以定四時成歲治歷明時之政必先於此天子以為月而頒之為諸侯而不奉以告是輕正朔而慢時令也朝廟為告朔也文公以為附月之餘日而不以告則亦何以朝為哉故曰猶朝于廟以譏其捨大政而謹小禮也

七年春公伐邾○三月甲戌取須句遂城郕

句公羊作胸○須句

見僖公二十二年註郕魯邑杜氏註卞縣有郕城今屬襲慶府泗水縣○僖公伐邾取須句旋敗于升陘邾復取之是年伐邾取之因城郕邑左氏謂閒晉難也

夏四月宋公王臣卒宋人殺

其大夫

王穀梁作壬○父死未踰時居不言之時而欲去羣公子以啓亂階致大夫不得其死故書宋

人殺其大夫以見國之所以亂者由父始死而亟改其道也昭公之見弑茲可以占矣

戊子晉人

及秦人戰于令狐晉先蔑奔秦

公羊傳先蔑下有以師字其說無據今從二傳

蔑公羊作昧

○令狐晉地今河中府猗氏縣有令狐城

○傳晉襄公之卒也大子少欲立長君趙盾曰立公子

雍好善而長且近於秦秦舊好也乃使先蔑如秦逆公

子雍至是秦康公送公子雍於晉穆嬴日抱太子以啼

于朝趙盾與諸大夫患之且畏偁乃背先蔑而立靈公

以禦秦師訓卒利兵秣馬蓐食潛師夜起戊子敗秦師

于令狐先蔑奔秦士會從之○今案如左氏說則書法

當云晉人敗秦師于令狐今書晉及秦戰又不言敗者

秦之納不正與晉逆公子雍既而悔之又不謝秦皆卑

也然二國之兵晉曲尤甚故秦伯趙盾皆稱人而特以

晉及書且不書秦之敗深卑晉之置君而不定也先

蔑書奔使秦而逆公子雍卑之也不書出遂在外也狄

侵我西鄙

間秦晉之爭

秋八月公會諸侯晉大夫盟于扈

扈鄭

地杜氏以為滎陽卷縣西北有扈亭卷縣今之鄭州原武縣也○傳齊侯宋公衛侯鄭伯許男曹伯會晉趙盾盟于扈晉侯立故也公從至故不書所會○程子曰文公急政事多廢緩既約晉盟而後至故書往會而隱其不及以不序諸侯與大夫之名者而見之也趙盾會諸侯靈公少故也冬徐伐莒公孫敖

如莒蒞盟

蒞公穀作蒞○傳莒人來請盟而公孫敖往蒞之○穀梁傳曰其曰蒞前定也

八年春王正月○夏四月○秋八月戊申天王崩○冬

十月壬午公子遂會晉趙盾盟于衡雍

衡雍鄭地後漢河南卷縣有垣

雖城古衡雍也與扈相近○晉以扈之盟後至來討公子遂會盟以報之自晉文翟泉之盟付之諸大夫文公復以國事付之公子遂而不知一國之禮樂征伐皆自公子遂出此敬嬴所以得窺伺閒隙私事之以胚胎殺

適立庶之禍也

乙酉公子遂會雒戎盟于暴

公羊作伊雒戎○傳遂會伊雒之戎

案僖十一年揚拒泉臯伊雒之戎同伐京師○杜氏註

雒戎居伊水雒水閒者暴鄭地○盟晉未幾而遂會雒

戎不以遂事言之者所以別夷狄於中國也公子遂以

見討而受盟于晉為恥遂會雒戎以示服狄春秋以戎

狄尤不當與為盟誓故公孫敖如京師不至而復丙戌

兩之以示辨內外之法

奔莒

傳奔莒從己氏也國君為天子斬衰三年公孫敖受命以赴天王之喪而懷桑中之行廢君命而徒

返已而淫奔夫不至而復已為死誅不赦之臯況奔莒

從己氏乎文公不能正典刑聖人詳書其慢王奔君忘

哀廢命容其復而後奔

深以著魯之無政刑也冬螽○宋人殺其大夫司馬宋司

城來奔

司城司空也宋以武公名司空諱之曰司城○程子曰宋王者後得自命官故獨宋卿書官○

今案昭公不禮襄夫人故夫人因戴氏之族以殺大司馬公子卬司城蕩意諸來奔昭公初立已欲去羣公子而致殺大夫之變今又因不禮於君祖母致大臣或死或奔春秋皆以官書所以見六卿君所與圖政者皆因君而死亡故以國殺書之以臯昭公也

九年春毛伯來求金

毛伯天子大夫不稱使天王崩未踰年百官總己以聽冢宰之時所

以謹君臣之分而明其責之所歸也王喪未葬喪紀所當令於諸侯者有常禮非其道則為政者不當使出使者不當承喪事求金徵索非禮特書以著其臯夫人姜氏如齊歸寧二月叔孫

得臣如京師辛丑葬襄王○晉人殺其大夫先都

傳六年夷

之蒐晉侯將登箕鄭父先都而使士穀梁益耳將中軍先克曰狐趙之勲不可廢也從之先克奪蒯得田于董

陰故箕鄭父先都士穀梁益耳蒯得使賊殺先克晉人殺先都梁益耳○愚案稱國者君與大夫以政殺之也然專殺大夫已有辜矣加之以人豈非賤人得以與謀而政不出於一手故稱晉人則殺之者不特君大夫而已無政之甚也

三月夫人姜氏至自齊

夫人出而書至蓋夫人与君一體寧父母而告

于廟禮也前此不書者出不以禮故不書胡氏所謂書之以見小君之重者也

晉人殺其大夫

士穀及箕鄭父

書晉人已見上凡殺二大夫或三人不書及者其辜均也書及者因殺是人而

并及之也所以著辜輕而不當殺也○胡氏曰先都士

穀箕鄭父挾私怨以作亂固有辜矣然不以討賊之詞

書之者靈公初立主幼不君政在趙盾而中軍佐者盾

之黨也若獄有所歸此三人者獨無可議從末減乎而

皆殺之是大夫專生殺也書人而不去士穀箕鄭

父之官以示司賞刑者必本忠恕無有偏黨之意

楚人

伐鄭公子遂會晉人宋人衛人許人救鄭

傳范山言於楚子曰晉君

少不在諸侯北方可圖也楚子師于狼淵以伐鄭囚公子堅公子屯及樂耳鄭及楚平公子遂會晉趙盾宋華耦衛孔達許大夫救鄭不及楚師卿不書緩也以懲不恪○愚案楚自城濮以來不得志於中國其君臣之心實未嘗一日忘也趙盾為政無志於庇諸侯則已今欲攘楚而大庇中夏正當力懲其始以振中國之威乃視為常役而緩不及事諸大夫之師及鄭而楚已囚鄭公子而去豈奉天討極楚弱之舉哉楚子之聞宋殺申無畏也投袂而起屨及於室皇劍及於寢門之外車及於蒲胥之市嗚呼荆蠻之敏於猾夏如此而趙盾自失攘却之幾乃如彼此春

夏狄侵齊

楚得氣去而狄交侵矣故書以病晉也

秋

八月曹伯襄卒○九月癸酉地震

陰盛陽微之異也

冬楚子使

椒來聘

椒穀梁作荻○椒闕椒闕穀於菟之從子○伐鄭而聘魯亦遠交近攻之意也

秦人來

歸僖公成風之襚

衣服曰襚○杜氏謂秦慕諸夏欲通於魯因有翟泉之盟故追襚僖公并

及成風○愚謂當是時秦楚交聘中國秦欲伐晉而歸

襚于魯猶楚欲圖北方而使椒來聘也豈古者明王謹

德四夷咸

賓之比哉
葬曹共公

十年春王三月辛卯臧孫辰卒

臧文仲自莊公未已與聞國政蓋魯之名大夫

也而四十餘年間國政多疵文公尤甚由其知柳下惠之賢而不與立故夫子尤譏其竊位蓋仁者已欲立而

立人故不仁之

夏秦伐晉

傳晉人伐秦取少梁秦伯伐晉取北徵秦以號舉狄之也

阜薇賢為首也

春秋書兵卑其報復不已而狄之者三秦鄭晉也康公不紹其父悔過之謀報復無已故狄之楚殺其

大夫冝申

傳冝申為工尹與子家謀弑穆王五月殺闕冝申及仲歸○今案春秋於穆王之殺冝申

不以討賊之法書之者用賢治不肖而不以亂易亂之義也

自正月不雨至于秋七

月

著文公之志不以雨為念故并三時而言之也

及蘇子盟于女栗

不書公以盟天子之

大夫諱之也

冬狄侵宋○楚子蔡侯次于厥貉

胡氏曰伐而次者其次為

善次而伐者其次為敗蓋伐而次則有抑鋒止銳以待其服之意次而伐者無故次止久師藏禍將以致毒於人也下書伐麋則此次為欲猾夏審矣然案左氏陳鄭蔡宋皆與而止書蔡侯者陳鄭宋出於畏而從楚有不得已者獨蔡侯從楚得已不已故免三國而止書蔡也

十有一年春楚子伐麋

傳厥貉之會麋子逃歸春楚子伐麋成大心敗麋師于防渚諸

崇復伐麋至于錫穴○今案夏叔彭生會晉卻缺于承

楚侵伐書于始此蓋彊盛也

匡左氏本或作叔仲陸德明云仲衍字○承匡宋地在陳留襄邑縣西今拱州襄陵縣○傳會于承匡謀諸

侯之從於楚者○杜氏註九年陳鄭及楚平十年宋聽命于厥貉也秋曹伯來朝傳曰文公即位

而來公子遂如宋傳襄仲聘于宋且言狄侵齊○冬十

月甲午叔孫得臣敗狄于鹹傳鄭瞞侵齊遂伐我公卜使叔孫得臣追之吉侯叔

夏御莊叔縣房甥為右富父終甥駟乘敗狄于鹹獲長狄僑如富父終甥擒其喉以戈殺之○杜氏註鄭瞞狄

國名防風氏之後漆姓鹹魯地

十有二年春王正月邾伯來奔邾公羊作盛○傳邾大子朱儒自安於夫鍾國

人弗徇郿伯卒郿人立君大子以夫鍾與郿邦來奔○
常山劉氏曰大子當立郿人豈得而絕之故書曰郿伯
來奔春秋大杞伯來朝傳始朝公也○杜氏
居正之法也註舍夷禮故稱伯二月庚子

子叔姬卒

文公女故曰子以別於先君之女也

夏楚人圍巢

杜氏註巢廬江六縣東有

居巢城今無為軍巢縣

秋滕子來朝

傳亦始朝公也

秦伯使術來聘

案傳秦伯

使西乞術來聘且言將伐晉并備載公子遂辭王及賓
荅之詞公子遂言不有君子其能國乎而厚賄之此足
以見秦人以賄結魯而魯亦厚賄荅之賓主相與以貨
利而坐視霸主之受兵此比事以書不待貶絕而惡見
者也冬十有二月戊午晉人秦人戰于河曲

河曲杜氏註在河東蒲坂

縣南今河中府河東縣南有河曲不書及蓋言二國曲
直之無以相尚而黷兵殘民其臯均也不書敗績秦伯

伐晉而趙盾帥師禦之欲待秦敝而趙穿沮其謀秦師遂遁無勝敗也秦伯趙盾皆以人書貶也

季孫

行父帥師城諸及鄆

鄆公羊作運後放此○諸見莊公二十九年註鄆魯之東鄆今鄆州

須城縣也所謂莒魯爭鄆蓋始于此前此莒未嘗與魯有爭且未嘗有事于鄆今行父首帥師城二邑以啓爭端魯自此與莒為仇而爭由鄆始書帥師城臯行父也

十有三年春王正月○夏五月壬午陳侯朔卒○邾子

遽蔭卒

遽蔭穀梁作遽蔭

自正月不雨至于秋七月○大室屋

壞

大公羊作世○案明堂位曰祀周公於太廟此大廟之室也君子將營宮室宗廟為先致孝享之敬莫先

於此故穀梁氏曰為社稷之主而先君之廟壞極稱之志不敬也○胡氏曰不雨凡七月而先君之廟壞不恭

甚矣書壞而不書其脩宗廟之事不可不嚴且急也

冬公如晉衛侯會公于沓

公羊

會下無公字

狄侵衛○十有一月己丑公及晉侯盟公還自

晉鄭伯會公于棐

公還公穀並無公字棐公羊作斐○傳公如晉朝且尋盟衛侯會公于沓

請平于晉公還鄭伯會公于棐亦請平于晉公皆成之○杜氏註棐鄭地

十有四年春王正月公至自晉

公羊傳曰往黨衛侯會公于沓至得與晉侯盟

反黨鄭伯會公于斐善之也○今案公羊氏之言有舍爵策勲之意故錄之

邾人伐我南鄙

叔彭生帥師伐邾

傳邾文公之卒也公使弔焉不敬邾人來討伐我南鄙故惠伯伐邾○余

氏曰居喪而伐人與伐人之喪其辜一也

夏五月乙亥齊侯潘卒

傳子叔姬妃齊昭公

生舍叔姬無寵舍無威公子商人驟施於國而多
聚士盡其家貸於公有司以繼之昭公卒舍即位

六月

公會宋公陳侯衛侯鄭伯許男曹伯晉趙盾癸酉同盟

于新城

新城宋地杜氏註在梁國穀熟縣西今南京應天府也○傳同盟于新城從於楚者服且謀邾

也○今案從楚者宋陳鄭許宋陳鄭見十一年承匡註許則自文公圍之不服襄公又嘗伐之今始與盟會也同盟見莊公十六年晉自襄公之末楚再憑陵趙盾得政稍加和集去歲文公之朝衛鄭求附盾因此并招至久負固之許諸侯偕至然後講同盟之禮修復齊桓之故事春秋以其僅能和集不足以方首止葵丘汎霸主不臨政在大夫故止書癸酉同盟于新城而已雞澤之盟亦此例也○胡氏曰考晉楚行事未有以大相遠也而春秋與奪如此者荆楚僭王若與同好是將代宗周為共主君臣之義滅矣可不謹乎○愚謂當是時商臣

有覆載不容之臯不特僭王而已春秋
惡諸侯宗而事之懼豺狼之逼人也在
秋七月有星孛

入于北斗

孛彗也天之有彗乃除穢布新之祥其言入
者斗有環域入其魁中也○傳周內史叔服

曰不出七年宋齊晉之君皆將死亂是後齊弑君舍十
七年宋弑昭公十八年齊又弑懿公宣二年晉弑靈公
劉歆云天之三辰綱紀之星宋齊晉天子方伯中國綱
紀斗七星故曰不出七年○胡氏曰此三君皆違道失
德而死于亂符叔服之言天
之示人顯矣史之有占明矣公至自會○晉人納捷菑

于邾弗克納

捷公羊作接○傳邾文公元妃齊姜生纍
且次妃晉姬生捷菑文公卒邾人立纍且

趙盾新城之盟謀立捷菑也盾遂以師八百乘納捷菑
于邾邾人辭曰齊出纍且長盾曰辭順而不從不祥乃
還○穀梁氏曰其曰人微之也長菑五百乘繇地千里
愛入人之國欲變其主至城下然後知何知之晚也曰

弗克納弗克其義也○陸淳曰書捷菑與小白去疾同
廢置諸侯王者之事人臣專之臯莫大焉夫子善其聞
義能徙故為之諱也凡事不合理而心可嘉者皆以諱
為善○胡氏傳同人之九四曰乘其墉弗克攻吉象曰
乘其墉義弗克也其吉則九月甲申公孫敖卒于齊傳
因而反則也趙盾之謂矣
八年如京師而奔莒者其奔莒而從己氏也魯立其子
大伯穀教生二子於莒而求復穀以為請公子遂使無
朝聽命復而不出三年而盡室以復適莒文伯疾而請
曰穀之子弱請立難也文伯卒立惠叔教請重賂以求
復難以為請許之將來九月卒于齊告喪請葬弗許○
愚案人之所當謹者始終之際也夫子之論士曰行己
有恥使於四方不辱君命可謂士矣況大夫乎公孫敖
為魯大夫竄身於莒而無所容歸從其子為大夫而不
敢出出入無詔於國身死於旅而不獲歸俯仰愧怍無
以立於天地之間故特書卒于齊以著其死而無所寧

其身也 齊公子商人弑其君舍

穀梁傳舍未踰年其曰君何也成舍之為君所以重

商人之弑也○陸淳曰聞之師曰聖人作春秋以懲

惡若未踰年君被弑而不曰君則逆亂之臣皆以未踰

年而肆其凶惡故原情立義而以弑君書○愚謹案魯

慶父之弑子般公子遂之弑子惡皆當從商人弑舍之

例惟奚齊以不正而特變書法必

如是而後君臣適庶之分定矣

宋子哀來奔

傳高哀為蕭封

人以為卿不義宋公而出遂來奔書曰宋子哀來奔貴

之也○今案自宋昭公在位始終無一善可稱大臣死

禍出奔者比比皆是獨子哀潔身而去不蹈隕身濡尾

之悔觀蕩意諸再歸而卒不免則子哀之見幾而作豈

非既明且哲仲山甫之

流哉故書字以與之

冬單伯如齊

單伯魯大夫之命於天子者自莊公

元年至今已七十餘年未

必一人或其子若孫與

齊人執單伯齊人執子叔姬

胡氏曰齊君舍魯之甥也商人弑舍固忌魯矣魯使單伯如齊齊人意欲辱魯故執單伯并執子叔姬而誣之以臯不稱行人公羊所謂以已執之者也○常山劉氏曰商人弑君之惡已顯而執叔姬之事聖人不獨臯商人也齊人不討賊俱北面事之又執其君母齊之人均有臯焉故曰齊人執子叔姬○愚謹案執無臯而書人者周春秋之例也然其君無臯則其臣當為之用而臯在上其君當討之賊而臣為之用則臯在下而不在上夫篡弑之賊人人得討之商人既弑君矣齊人不以為不共戴天之讎而相帥以為之用以至執鄰國之命卿與其君之母則商人無責焉所以致弑逆之人能執魯卿與君母者不討賊之故也胡氏論之已詳其說出於劉質夫質夫春秋之學皆受於程子也此義之精非程子孰能發之

十有五年春季孫行父如晉

為單伯與子叔姬故也魯不能閒暇明政刑以義討

齊而反因晉以求於齊行父為大夫不能請討弑君之賊晉為盟主不能奉天討於商人皆臯也

三月

宋司馬華孫來盟

華耦之來出於自請故不稱使結好合於事宜能其官也○高郵孫氏曰

昭公闇亂國事廢弛大臣外奔耦懼鄰國因閒以謀其國於是請來盟以結好而紓難宋大夫書於經多矣惟三人以官舉又皆在昭公之世豈非節義之士因世亂而後顯與

夏曹伯來朝

曹伯十一年來

朝今齊人歸公孫敖之喪

敖以臯出奔死于外魯不許其歸葬齊人使之飾棺寘堂

臯其子難猶毀以為請立於朝以俟命然後許其取殯葬視公子慶父許其取葬者以難為大夫且貴戚之卿也趙鞅之誓師曰桐棺三寸不設屬辟素車樸馬無入于兆此公孫敖之葬禮孝子慈孫所不能改者與

六

月辛丑朔日有食之鼓用牲于社

註見莊二十五年

單伯至自

齊

胡氏曰單伯天子之命大夫故逆王姬會伐宋使于齊皆書其字致而不名與意如媼異者無所書而不

尊

王命也○愚謂若如左氏之說以單伯為周大夫則

是

齊人執王使春秋既不書其自周來魯又止書其至

魯

而不復言其歸京師是同之於魯之臣子無復周魯

大夫

之別且無以明齊人之執王使豈春秋別上下尊

王室

之義哉

晉卻缺帥師伐蔡戊申入蔡

傳新城之盟蔡人不與晉卻缺以上

義哉

軍下軍伐蔡曰君弱不可以怠戊申入蔡以城下之盟

而還○愚謂君弱不可以怠修德以來蔡上也缺乃以

兵伐而入其國徒示威武暴及其都氏而蔡終不心

服謂之能輔霸主服諸侯可乎言伐言入甚之也

秋

齊人侵我西鄙季孫行父如晉

傳齊人侵我西鄙故季文子告於晉

冬十

有一月諸侯盟于扈

傳晉侯宋公衛侯蔡侯陳侯鄭伯

許男曹伯盟于扈尋新城之盟且

謀伐齊也齊人賂晉侯故不克而還於是有齊難是以公不會書曰諸侯盟于扈無能為故也○胡氏曰八國之君不序略之也夫夷狄然後略之君臣同詞而不分爵號曷為略八國等於夷狄哉君之賊夫人之所得討也故陳恒弑君孔子沐浴而朝告於哀公而請討今商人弑君晉與諸侯不奉天討受賂而退何以賢於夷狄哉書諸侯盟于扈皆當伏不能討賊之辜也

十有二月齊人來歸子叔姬

此齊

商人既弑舍而絕其母於齊故不以出夫人之例書之而書齊人者亦若執單伯執子叔姬之法深卑其國人沒於商人之私惠反戴不共天之仇以為君而強出其君之母莫之或正也齊侯侵我西鄙

遂伐曹入其郛

郛曹國之郛中也○傳齊侯侵我西鄙謂諸侯不能也遂伐曹入其郛討其來

朝也○襄陵許氏曰魯盡禮於晉而見侵莫恤曹修禮於魯而被伐莫救亂臣賊子肆行无忌皆晉靈趙盾失

主盟之
職也

十有六年春季孫行父會齊侯于陽穀齊侯弗及盟

公

疾使季文子會齊侯于陽穀請盟齊侯不肯曰請侯君
間商人無道有弑君當討之臯文公不能明政刑舉大
義以致命卿執辱邊鄙被兵與國蒙伐又使大夫自屈
以請盟而不見荅可謂困心衡慮而無憤排改圖之心
書此以見魯之哀

夏五月公四不視朔

視朔即朝廟而告朔也今以疾

責文公之無志也

不行二月至五月之禮也○公羊氏曰曷為四不視朔

公有疾也何言乎公有疾不視朔自是公無疾不視朔

也然則曷為不言公無疾不視朔有疾猶可言也無疾

不可言也○今案春秋微顯志晦之法無往不寓以見

薛國惡而不沒實之意文公以疾不視朔春秋書之不

用昭公有疾乃復之例書公有疾四不視朔而特書公

四不視朔蓋文公自是因循不講告朔之禮以致餘公不復舉行所以定哀之時聖人有我愛其禮之言羊存而禮廢其必

始於此與 六月戊辰公子遂及齊侯盟于鄆丘

鄆丘公羊

作牟丘穀梁作師丘公羊疏云正本作留丘故賈氏云公羊曰留丘齊地○傳公使遂納賂于齊侯故盟于鄆

丘 秋八月辛未夫人姜氏薨

僖公夫人文公之母

毀泉臺

傳有蛇自泉宮

出入于國如先君之數秋聲姜薨毀泉臺○臨江劉氏曰魯人以為祥而毀之非明民之道○公羊傳先祖為之已毀之不若楚人秦人巴人滅庸

傳楚大饑戎伐其西南至于阜山師

勿居而已矣

于大林又伐其東南至於陽丘以侵訾枝庸人帥羣蠻以叛楚麋人率百濮聚於選將伐楚於是中息之北門不啓楚人謀伐於阪高蔣賈曰不可我能往寇亦能往不如伐庸夫麋與百濮謂我鐵不能師故伐我也若我

出師必懼而歸百濮離居將各走其邑誰暇謀人乃出
師旬有五日百濮乃罷自廬以往振廩同食次于句瀝
使廬戢黎侵庸及庸方城楚子乘駟會師于臨品分為
二隊子越自石梁子貝自仞以伐庸秦人巴人從楚師
羣蠻從楚子盟遂滅庸○今案庸乘饑饉率蠻危楚楚
一畏徙國誠無以保其國矣然禦變待敵亦制服之而
已夷人宗社豈王法之所容乎楚子克庸而冬十有一
遂滅之其聿大矣是以人楚子而聿其滅也

月宋人弑其君杵臼

杵公羊作處○傳宋公子鮑禮於國人宋饑竭其粟而貸之無日不

數於六卿之門國之材人無不事也親自桓以下無不
恤也宋襄夫人助之施昭公無道國人奉公子鮑以因
夫人冬十一月甲寅宋昭公將田孟諸未至夫人王姬
使帥甸攻而殺之司城蕩意諸死之○謹案宋昭公為
無道而書宋人弑其君者見杵臼未至如獨夫之可誅
而凡與於弑逆者皆當以輕重斷獄所以辨上下定民

志也○胡氏曰君親無將將而必誅諸侯無道天子方伯在焉臣子國人死於其職自明於去就從違之義斯可矣蕩意諸亦死之而不得與孔父仇牧並書者春秋無取焉爾○今案蕩意諸君昏不能正危不能救坐待其死而與之同死真所謂匹夫匹婦之自經於溝瀆而莫之知者也

十有七年春晉人衛人陳人鄭人伐宋

傳晉荀林父衛孔達陳公孫寧

鄭石楚伐宋討曰何故弑君猶立文公而還卿不書失其所也○程子曰行天討而成其亂故貶之

夏四

月癸亥葬我小君聲姜

聲公羊作聖謚也九月乃葬

齊侯伐我西鄙

西傳作北

六月癸未公及齊侯盟于穀

傳齊侯伐我襄仲請盟六月盟于穀諸

侯會于扈

傳晉侯蒐于黃父遂復合諸侯于扈平宋也公不與會齊難故也書曰諸侯無功也○愚

案書諸侯略之與十五年盟于扈同

秋公至自穀

齊商人不足與會書至危之

冬公子

遂如齊

拜穀之盟

十有八年春王二月丁丑公薨于臺下

高郵孫氏曰薨非路寢皆不正

也其曰臺下蓋又甚焉

秦伯瑩卒

康公也

夏五月戊戌齊人弑其君

商人

傳齊懿公之為公子也與邴歾之父爭田弗勝及即位乃掘而刑之而使歾僕納閭職之妻而使職

驂乘夏五月公遊于申池二人弑懿公納諸竹中歸舍

固當討之賊也然齊人不以為賊而討之反北面稱臣而戴之以為君者三年以為賊則不當事以為君則不

可弑今三年事之一旦弑之亂作於大分已定之後故曰弑其君也况商人驟施聚士以成弑舍之謀有王者

作則凡前日受施推戴之人乃同惡之黨其臯有不容貸者所以邢歆閭職同謀殺商人而特以齊人弑其君書之

六月癸酉葬我君文公○秋公子遂叔孫得臣如

齊

傳六月葬文公秋襄仲莊叔如齊惠公立故且拜葬也文公二妃敬嬴生宣公敬嬴嬖而私事襄仲宣公

長而屬諸襄仲襄仲欲立之叔仲不可仲見於齊侯而請之齊侯新立而欲親魯許之○胡氏曰使舉上客此春秋立文之常體其變文書介副者欲以起問者見事理也子赤夫人之子今卒于弑不著其實是為國諱惡無以傳信於將來而春秋之大義隱矣故上書大夫並使下書夫人歸于齊中曰子卒則見禍亂邪謀發於奉使之日而公子遂弑

冬十月子卒

子之名左氏曰惡公羊曰赤未知孰是若

如左氏則亦晉師服所謂異哉君之名子者也子般書名而此不書文公已葬故不名也○傳公子遂殺太子

惡及其弟視而立宣公書曰子卒諱之也遂矯太子惡之命召叔仲惠伯其宰公冉務人止之曰人必死惠伯曰死君命可也公冉務人曰若君命可死非君命何聽弗聽乃入殺而埋之焉夫之中○愚謂私事公子遂敬嬴奪嫡之心也然其最啓是心者嬖故也有夫人太子而嬖寵要則文公所以怠於事霸急於盟齊簡於視朔者有自來矣人君昏於嬖寵棄忘國政故妾媵大臣相與謀賊君嗣而不能察身死之後豕嗣二人遂見戕殺所謂前有讒而不見後有賊而不知者文公之謂矣叔彭生身為大臣既無以拯救文公又不能知公子遂之邪謀有公冉務人之忠言不能用甘心就死無一毫扶持之寶沒而不書有以也哉

夫人姜氏歸

于齊

傳夫人姜氏歸于齊大歸也將行哭而過市曰天乎仲為不道殺嫡立庶市人皆哭魯人謂之哀姜

○胡氏曰書夫人則知其正書姜氏則知非見絕於先君書歸于齊則知其無辜異于孫于邾者而魯臣子不

能事主君存適母之辜並見矣○愚案胡氏於九年夫
人姜氏至自齊傳曰出姜蓋至是始不安於魯於傳未
有見之也必要終原始而言之與適庶之亂未有不始
於妾上僭夫人失位而致之者是以始知文公之首惡
也季孫行父如齊告宣公之立也○沙隨程氏曰遂得
而知臣行父三人皆與謀以其前後如齊
之也凡稱國以弑者蓋其君以無道為
皆當誅不國人所弑而大臣坐視不能討賊
救之辜也

春秋卷五

欽定四庫全書舊要卷一千四百七十六

經部

春秋卷六

宋 張洽 撰

宣公

名倭一名接文公妾敬嬴之子公子遂弑大子惡而立之謚法善問周達曰宣

元年春王正月

宣公受弑賊之立而居其位其舉同於桓公而十八年之間皆書王與桓公不

同者法已舉於前矣天理不可以常亡王法不可以久廢故存王以舉大法亦所以正宣公之舉也公即

位

胡氏曰宣為弑君者所立受之而不討故如其意而書即位其與僖文之立一美一惡不嫌於同也公

子遂如齊逆女

不貶喪中逆女者與即位同不待貶而舉惡見也○胡氏曰宣公懼於見討故

結昏于齊為自安計越典禮以逆女如此其亟而不顧者必敬嬴公子遂請齊立接之始謀也三月遂

以夫人婦姜至自齊

公子遂宣公之為亂臣賊子明矣不待貶絕也書婦著敬嬴之舉也

書姜不氏責夫人不能以禮自防行吉禮於斬焉哀經之中也○劉氏曰婦人不專行在家制於父母夫人有

貶則父母與有舉矣○胡氏曰敬嬴私事襄仲以子屬之殺世嫡兄弟出主君夫人援成風故事即以子貴為

君母哀經中請昏納幣其舉隱而未見也故因夫人至特書夫人婦姜至自齊而不書氏所以深著宣公與敬

嬴不可勝誅之舉也夏季孫行父如齊

納賂以請會也文公世子之死在宮之當誅者公子

遂其首而行父次之觀春秋所書則知之矣

晉放其大夫胥甲父于衛

傳文十有二年

河曲之戰秦行人夜戒晉師曰兩軍之士皆未慙也明日請相見也史駢曰使者目動而言肆懼我也將遁矣薄諸河必敗之胥甲趙穿當軍門呼曰死傷未收而弃之不惠也不待期而薄人於險無勇也乃止自戰及今

七年矣討不用命者放胥甲父于衛臯久不治而二人有臯趙穿以盾之側室而獨免刑之偏頗如此非所以治有臯主

公會齊侯于平州

平州齊地杜氏曰在泰山平縣西後漢志琅邪國陽

諸侯也

都故地有牟臺註平州在縣西今屬沂州沂水縣○傳會于平州以定公位○愚謂凡亂臣賊子之所以不敢縱其欲者以有伯主大國能討之也齊乃魯之鄰其力足以正魯而惠公不明於義利邪正之辨始許仲遂以亂魯之適庶終會平州以定賊子之位則亂賊復何畏而不逞哉會者外為志魯宣欲求寵以定位而書以齊惠之志蓋誅亂賊而先治其黨之法與桓公鄭莊垂之會一也晉為盟主諸侯所取正而商人宋人弑君威弗能加致魯亂不治亦公子遂如齊於經所以著其為惡以見晉之無能為也

公子遂如齊

公子遂自去年三見於經所以著其為惡

之首也○胡氏曰遂一再見於經矣如齊拜成雖削之可也又再書于策者於以著其始終成就弑立之謀以

戒後世人臣或內交宮禁以固其寵或外結藩鎮以為之援至於殺生廢置皆出于其手而人主不悟者其慮深矣凡此皆直書
六月齊人取濟西田
齊為立公故以賂于策而義自見也

之故也僖三十一年取之於曹者○程子曰宣公不義得國賂齊以求助齊受之以助不義故書取不義不能保其土故不云我非為彼強取故不諱不能有而失者皆諱○愚謂桓公篡立求援於鄭而誘以許田宣公奪嫡主齊以自立而賂以濟西以利自固前後一轍使鄭莊齊惠不貪其利則桓宣必不能以自立矣故春秋曰假曰取蔽臯鄭齊深以誅其貪利而成亂也大學論治國平天下之道而深戒以利為利孟子論先利後義者必後其君遺其親而不奪不饜皆
秋邾子來朝
諸侯朝拔本塞源知春秋之微意也與

人不貶者桓公已
楚子鄭人侵陳遂侵宋

傳宋人之弒昭公也晉荀

林父以諸侯之師伐宋宋及晉平宋文公受盟於晉又
會諸侯于扈將為魯討齊皆取賂而還鄭穆公曰晉不
足與也遂受盟於楚陳共公之卒楚人不禮焉陳靈公
受盟于晉故楚子侵陳宋○今案不討有臯因晉之無
義而亦未至如僭王猶夏之臯大也鄭舍晉
而從楚附無王之夷狄以為中國患故人之

晉趙盾帥

師救陳

左傳晉趙盾帥師救陳宋○今案陳無臯而蒙
伐當救也宋有弑君之臯不當救故略之也

宋公陳侯衛侯曹伯會晉師于棐林伐鄭

胡氏曰鄭在
王畿之內而

附蠻夷陳先代之後而見侵逼此門庭之寇利用禦之
者故書救以與之○愚謂與之則見諸侯之來會者固
義舉矣然不曰會趙盾而曰會晉師蓋鄭之從楚亦盾
不能治齊宋有以致之若再書其名則書重復而予之
大過矣故止曰會晉師而不再書盾
詳味書法然後見聖人抑揚之當也

冬晉趙穿帥師侵

崇

崇公羊作柳○杜氏曰崇秦之與國○任公輔曰案地譜商有崇國在京兆鄠縣甘亭○傳晉欲求成於

秦趙穿曰我侵崇秦急崇必救之吾以求成焉冬穿侵崇秦弗與成○胡氏曰求成大國不以大義動之而伐其與國為誼甚明意者趙穿已有邪謀欲得兵權託於伐國以用其衆乎不然何謀之迂而當國者不能裁正也哉君子桃園而上卿以志同受惡名其端見於此矣

晉人宋人伐鄭

傳晉人伐鄭以報北

林之役於是晉侯侈趙盾為政驟諫而不入故不競於楚○晉受宋賂不行天討鄭以是叛中國而晉人復與宋伐之不能服鄭又致明年之師故稱人臯之

二年春王二月壬子宋華元帥師及鄭公子歸生帥師

戰于大棘宋師敗績獲宋華元

大棘杜氏註在陳留襄邑縣南今襄邑屬拱州

○傳鄭公子歸生受命於楚伐宋宋華元樂呂禦之戰于大棘宋師敗績囚華元宋人以兵車百乘文馬百馬贖華元于鄭半入華元逃歸○宋以弑君致寇而不服臯故書宋及猶曰華元為志乎此戰也書師敗又書獲華元師與將之秦師伐晉傳以報崇也遂圍焦晉趙盾救焦○胡氏曰晉用大師於崇乃趙穿私意而無名故書侵秦人為是興師報怨則問其無名之師故書伐○愚謂欲求成而反召兵所以深著趙穿之妄動干戈而欲竊兵權誅其意也夏晉人宋人衛人陳人侵鄭傳趙盾救焦遂自陰地及諸侯之師侵鄭以報大棘之役楚闕椒救鄭曰能欲諸侯而惡其難乎遂次于鄭以待晉師趙盾曰彼宗競于楚殆將斃矣姑益其疾乃去之○胡氏曰歸生受命于楚以伐宋楚有辭矣趙盾去之以理曲故也故去其名氏而稱人書侵而不言伐也秋九月乙丑晉趙盾弑其君

夷臯

臯公羊作猱○趙盾為大臣任一國之重無能改君之德而君將殺之惟去以全身然後其義明此

盾接淅而行之時也況鉏麇提彌明皆為靈公之欲殺盾而死矣盾之去寧可後哉趙穿平日好勇犯上數干軍令追秦軍之役不待元帥之命而以其屬出晉軍欲薄秦師而穿當軍門呼以沮成筭盾保庇之不黜不放平日曲意容養使之在位及至靈公欲殺盾而盾偽出奔穿弑公于桃園則未出山而歸復其位若取穿尸諸市朝猶可以自明也乃使穿逆公子黑臀而為君前日庇之今日不討而用之董狐非子而誰之言是乃推見至隱而歸弑於盾真至公之筆也聖人豈得而易之哉

冬十月乙亥天王崩

匡王也文

十五年即位
在位凡六年

三年春王正月郊牛之口傷改卜牛牛死乃不郊猶三

望

此又因事之變以明魯郊之非禮也而僭禮之中復有忘哀從吉之臯郊牛者本養以祀天之牛也○公

羊氏曰養牲者養二一郊牛一稷牛也然必卜而用之卜帝牲不吉則以稷牲卜用之帝牛必在于滌三月稷牛惟具郊之必祭稷者王者祀天必以其祖配之故也○愚案周公郊祀后稷以配天為成王制禮耳非魯之所得用也況有三年之喪乃臣子斬衰奔赴之時豈可僭天子越紼行事之禮此春秋所以特書之并書猶三望以譏其可葬匡王

胡氏曰四月而葬王室不君其禮已而不已也略也微者往會魯侯不臣其情慢

也楚子伐陸渾之戎

陸公羊作賁公穀無之字○陸渾子本允姓居瓜州僖公二十二年

晉惠公與秦遷之于伊川在唐為河南陸渾縣地今河南府伊陽縣北二十里有陸渾縣故城○傳曰楚子伐陸渾之戎遂至于雒觀兵于周疆定王使王孫滿勞楚子楚子問鼎之大小輕重馬對曰在德不在鼎○胡氏

曰夷狄相攻而特書于策者陸渾在王都之側
楚子伐之又觀兵周疆而問鼎嚴猶夏之階也
夏楚人

侵鄭

傳春晉侯伐鄭及邲鄭及晉平士會入盟夏楚人
侵鄭鄭即晉故也○胡氏曰不書晉之伐鄭及平

者仲尼削之也鄭自宣元年以晉之受賂縱臯為不足
與似矣而楚豈所當從乎今晉成新立背僭歸霸則反
之正也春秋大改過遷善故獨著楚人
秋赤狄侵齊

赤狄

狄之別種○孔氏疏云謂之赤狄白狄者俗尚赤衣白
衣也地譜洺州春秋赤狄之地○襄陵許氏曰楚狄迭
擾南北此中國大
宋師圍曹

傳宋以母弟須及昭公子
之亂逐武穆之族二族以

過棟橈之時也

曹師伐宋宋師
圍曹報之也

冬十月丙戌鄭伯蘭卒葬鄭穆公

四年春王正月公及齊侯平莒及郯莒人不肯公伐莒

取向

向見隱二年註○易曰貞吉悔亡憧憧往來朋從

正自足以感之也今以宣公而平二小國若出於公不
必假齊一言而彼已服今挾齊為重而莒尚不肯伐莒
而齊不復與復取向以自益春秋深以

秦伯稻卒

秦共公也

魯不

夏六月乙酉鄭公子歸生弑其君夷

傳楚人獻鼃於鄭靈公公

子宋與子家將見子公之食指動以示子家曰他日我
如此必嘗異味及入宰夫將解鼃相視而笑公問之子
家以告及食大夫鼃召子公而弗與也子公怒染指於
鼎嘗之而出公怒欲殺子公子公與子家謀先子家曰
畜老猶憚殺之而況君乎反譖子家子家懼而從之夏
弑靈公○謹案公子歸生位為上卿久執重權國事由
已乃不能鎮服姦邪遏絕萌蘖又脅於邪謀撓而從之
位尊責重故春秋定為戎首以戒大臣不能持正而阿

附惡人者所以示國討之法而明事君之義也○胡氏曰歸生與宋並為大夫以貴戚之卿同執國政當統大衆久得兵權聞宋逆謀先事誅之猶反掌耳夫據生殺之柄使人聽已猶犬羊之伏於虎也何畏於人懼而從之乎計不出此顧以畜老憚殺比方君父何其悖也春秋以為逆之罪歸之歸生若司馬亮沈慶之等苟知此義則能討賊不至失身而為人制矣

赤狄侵齊○秋公如齊公至自齊

胡氏

曰君行告至常事不書宣公比年如齊而皆至者危之也○今案此所謂危與桓二年書至自唐同意

冬

楚子伐鄭

傳鄭未服也○今案楚自去年至十年侵伐鄭者凡五至十一年盟鄭于辰陵而鄭又微

事晉於是十二年圍鄭入之遂敗晉于邲而後鄭服楚晉人之不振有自來矣

五年春公如齊

傳公如齊高固使齊侯止公請叔姬焉

夏公至自齊

傳書過也

○杜氏註往朝見止厭尊毀列辱其先君而於廟行飲至之禮故書以示過

秋九月齊高固

來迎子叔姬

左氏作叔姬無子字據高固及子叔姬來有子字當從公穀二傳○謹案此著高固

非君命而越境特書以著其臯也○胡氏曰稱子者別於先公之女其曰來者以公自為之主也嫁女於大夫而不使大夫主之則厭尊毀列卑朝廷慢宗廟矣鄭國褊小楚公子圍貴驕強大來娶于鄭子產辭而卻之使館于外宣公以國君而逼於高固強委禽而請昏其女不知以禮為幹以守身而取辱春秋詳書臯宣公也

叔孫得臣卒

不書日閔文也

冬齊高固及子叔姬來

傳來反馬也○胡氏

曰禮嫁女留其送馬不敢自安及廟見成婦遣使反馬高固親來非禮也況見逆未易歲遽歸寧乎故書及書來以著齊臯也禮法之所禁不可犯也惠公許其臣越禮恣行而莫遏高固委其君踰境自如而不知人欲肆

矣故以為非常
特書為後世戒

楚人伐鄭

傳楚子伐鄭陳及楚平
晉荀林父救鄭伐陳

六年春晉趙盾衛孫免侵陳

傳晉衛侵陳陳即楚故也
○胡氏曰案傳稱陳及楚

平林父伐陳而經不書者以侵陳則平楚可知故也已
之有閼不內省德而以兵加之故林父不書伐而盾免
書侵以正晉之所主盟者非其道也○愚案屢失幾會
大義不立營營救鄭以致楚人益陵諸侯攜貳茲晉之
所以失道歟

夏四月○秋八月螽

胡氏曰傳謂螽為穀災虐
取於民之效也先是伐莒

取向一再如齊軍旅數起賦歛既繁戾氣應之矣宣公
遇災不知遷善以補前愆而用兵不息國用空乏卒改
助法而稅民蓋自此始經於螽螟一物之變必書
于策以示天人感應之理不可誣當謹其所感也

冬十

月

七年春衛侯使孫良夫來盟

傳孫桓子來盟始通且謀會晉也○穀梁曰來盟者

前定也○胡氏曰來盟所以為前定者嘗有約言矣未足效信又歃血以固結之也衛欲為晉致魯而魯宣專於事齊初未與晉通必有疑焉而衛侯任其無咎故遣良夫來為此盟及公會晉卒以見辱盟非春秋所貴義自見矣夏公會齊侯伐萊○秋公至自伐萊

萊杜氏註東萊黃縣地今

登州黃縣有萊山○胡氏曰平莒及郟魯欲也故書及伐萊齊志也故書會繼以伐萊致則師行之危可知見齊侯不務德合黨連兵恃強陵弱而宣公惟命之從也大旱

此年蝻旱觀其所感可見矣

冬公

會晉侯宋公衛侯鄭伯曹伯于黑壤

黑壤晉地一名黃父○傳鄭及晉平

公子宋之謀也故相鄭伯以會冬盟于黑壤王叔桓公臨之以謀不睦晉侯之立也公不朝焉又不使大夫聘

晉人止公于會公不與盟以賂免盟不書諱之也○凡盟會而不得見不與盟直書之者曲不在公也若夫見執且不與盟而悉諱之則其曲在公矣宣公私昵於齊而不事盟主故盟見執而不得與幸以賂而苟免於是諱之則宣公之臯可見矣

八年春公至自會

見執於晉踰年乃至

夏六月公子遂如齊至黃

乃復

黃齊竟上地○大夫奉君命出境死生以之未致使而死以尸將事禮也書至黃乃復與公孫敖不

至而復同臯其違君命也

辛巳有事于大廟仲遂卒于垂

事謂時祭也垂齊地

非魯竟故書地仲遂得臯於文公以公子翬不書卒之例不當書卒今特書其卒以事之變卒之也書仲遂其字也蓋宣公德之與公子友之於僖公同有輔立之恩故亦用公子友例生而賜氏俾世其卿也觀無駭之不

氏則知季友仲遂以私恩而變前世命氏族之法春秋特書以示戒故臨江劉氏云譏自是世仲氏也

壬

午猶繹萬入去籥

繹者明日之祭所以賓尸也○呂氏曰萬舞文武二舞之總名也籥舞文

舞之別名也文舞又謂之羽舞蓋文舞吹籥秉翟羽也萬入去籥者文武二舞俱入於二舞中去羽舞吹籥以其有聲也去其有聲而用其舞者以仲遂之卒知其不可而為之也此蓋正祭之日仲遂卒于垂則次日已聞之股肱之痛賓尸之祭為可已也行吉禮於方聞喪之時雖用舞而僅去其有聲者是知其不可而猶為之也○喜怒哀樂發而中節謂之和仲遂有殺嫡之辜宣公以其私於已而愛之生賜之氏今出使未畢中道擅返不正其辜其喜怒既不以正聞喪當哀又復心知其不可而故行吉禮春秋謹書始末以見其心不正而施之宗廟朝廷者謬戾如此詳觀書

戊子夫人嬴氏薨

嬴公穀作

熊○宣公母敬嬴也○胡氏曰成風屬僖公於季友及僖公立正夫人之位嫡妾始亂春秋於風氏始卒四貶之禘致夫人去其姓氏秦燧不稱夫人榮叔召伯舍暵會葬王不書天敬嬴視效援例自立而無貶從同同也

晉師白狄伐秦

白狄今丹州延州銀夏之地○傳白狄及晉平會晉伐秦○愚案白狄秦同壤

之國也晉與秦自侵崇啓釁七年而未已晉與為昏而結以伐秦黨戎狄以擾中國也自此至成公十三年呂相絕秦之詞楚人滅舒蓼

蓼穀梁作鄧○杜氏註舒蓼二國名或曰地譜上義陽之

皆連兵之事

楚人滅舒蓼

蓼不與羣舒近蓼已滅於楚見文五年此即如舒鳩舒庸一國也○傳楚伐舒蓼滅之楚子疆之及滑汭盟吳越而還○胡氏曰楚夷自相攻滅書而不削者楚盟吳越勢益強大經斯世者當以為懼有攘却之謀而不可忽

秋七月甲子日有食之既

杜氏註月三十日食○此自文公以來二十年餘中

國夷狄弑父與君幾遍之咎
晉敗于邲宋圍析骸之徵也
冬十月己丑葬我小君敬

嬴雨不克葬庚寅日中而克葬

敬嬴公穀作頃熊趙子曰頃惡謚也宣公必不

以加於其母誤也○穀梁傳葬既有日不為雨止禮也
雨不克葬喪不以制也胡氏以為敬嬴事襄仲而殺嫡
立庶逐去哀姜之咎證雨不克葬天理之不可誣也又
曰僖公享國八年然後成風致于廟敬嬴於宣公元年
穆姜即稱婦婦有姑之詞見敬嬴以子貴援例而亟立
為夫人也貶於成風之賻葬而此不復貶謹其始也

城平陽

杜氏註泰山平陽縣今襲慶府鄒縣有南平陽城

楚師伐陳

傳陳及晉平楚師伐

陳取成而還

九年春王正月公如齊

泰山孫氏曰公有母喪而遠朝齊無哀甚矣

公至自

齊○夏仲孫蔑如京師

胡氏曰當歲首月朝齊而夏使大夫聘京師公享國九年於是

纔一聘其於齊則又再朝矣經於如齊每行必至不待貶絕而惡自見者也

齊侯伐萊

襄陵許氏

曰狄比侵而不報萊不敢犯亟伐之畏強陵弱可以觀惠公矣

秋取根牟

杜氏註根牟東夷國琅邪

陽都縣東有牟鄉今屬密州安丘縣

八月滕子卒

傳滕昭公卒

九月晉侯宋公

衛侯鄭伯曹伯會于扈晉荀林父帥師伐陳

傳會于扈討不睦也

陳侯不會晉荀林父以諸侯之師伐陳

辛酉晉侯黑臀卒于扈

卒于境外故書地

冬十月癸酉衛侯鄭卒

胡氏曰晉成公衛成公皆不書葬魯不會也衛成事晉甚謹而

宣公獨深向齊衛欲為晉致魯使孫良夫來盟以定之及宣會黑壤而晉止公是以扈之會魯獨不往二國赴

喪皆不往會以私怨廢禮忘親其辜著矣

宋人圍滕

傳因其喪也今案不哀有喪用兵圍之比事以

著其不仁也

楚子伐鄭晉卻缺帥師救鄭

傳六年厲之役鄭伯逃歸故楚子伐

鄭晉卻缺救鄭鄭伯敗楚師于柳棼鄭人喜惟子良憂曰是國之災也吾死無日矣○胡氏曰宣三年晉成初立鄭舍楚從中國楚興師伐之臯也故稱人次年歸生弑君楚師致討稱爵與之也然賊則不討惟服鄭之為事故又次年傳稱楚子伐鄭而經書人亦貶之也今此書爵豈與之乎下書卻缺之救則知臯其親以重兵侵暴中華矣故一字之陳殺其大夫泄冶泄左氏本作洩今左傳本多因唐人諱世字雖偏傍亦然故改泄為洩也○傳陳靈公與孔寧儀行父通於夏姬皆褻其相服以戲于朝泄冶諫曰公卿宣淫民無效焉且聞不令君其納之公曰吾能改矣以告二子二子殺泄冶○胡氏曰稱國以殺者

君與用事大臣同殺之也稱大夫則不失其官守而殺之者有專殺之辜矣治無辜而書名者治以諫殺身者也殺諫臣者必有亡國喪身之禍從之故書名以為徵舒弑君滅陳之端以垂後戒此義繫於名而書名者也或曰泄冶以諫死而無褒詞何也愚謂易曰君子見幾而作不俟終日方靈公君臣驅馳於株林之時泄冶知其不可諫潔身而去之可矣至於褻慢朝廷求服而戲則立於其朝者雖欲默而不可得矣泄冶失於不能知幾而早辨是以不可與宋子哀同日而語也

十年春公如齊公至自齊○齊人歸我濟西田

傳齊人以我服

故歸濟西之田○今案書歸田而言我者言此田魯之舊封而非齊之所得專也不言來歸者請而得之也謹及闡歸於取之年故不言我今歸於十年之後故書我也特書曰我則取之不以其道而歸之不以其正一出

於相與之私
為可見矣

夏四月丙辰日有食之○己巳齊侯元卒

○齊崔氏出奔衛

傳齊惠公卒崔杼有寵於惠公高國惡其偏也公卒而逐之奔衛○穀梁

傳氏者舉族而出之之辭也今案特書其氏見崔杼之宗強於齊故勢足以偏高國雖今日逐之而尚能復歸於齊也如崔成之徒後日卒自遺滅宗之禍豈非族大勢張而不知制節謹度卒至凶于家禍于國也與公如齊五月公至自齊

傳公如齊奔喪○胡氏曰天王之喪不奔而奔齊喪天子之葬使微

者會而使公孫歸父會齊侯之葬其不顧君臣上下尊卑之等所謂肆人欲滅天理而無忌憚者也

癸巳

陳夏徵舒弑其君平國

傳陳靈公與孔寧儀行父飲酒于夏氏公謂行父曰徵舒似女

對曰亦似君徵舒病之公出自其廐射而殺之二子奔楚○胡氏曰禍莫大於拒諫而殺直臣泄治不憚盡言

正以靈公君臣淫縱恐其及禍不忍坐視而言之公不能納又從而殺之卒以見弑而亡其國此萬世之大戒也○愚謂古人以禮為防閑而人君之尊有妃偶嬪御之侍有居處出入之奉有廉恥羞惡之限所以養其尊貴者至矣何至驅馳於株林以為樂哉泄冶之諫夏南之詩皆以其捨人道而躬為禽獸之行也考之國語前年單子如楚過陳時泄冶未死也單子歸而告王以陳侯帥其卿佐南冠以淫於夏氏陳侯不有大咎國必亡已見之於三年之前矣能無及乎觀春秋之所書弑君如陳平國齊光蔡固以千乘之主而自儕於閭巷小人所不為者心術之惑可不戒哉

六月宋師伐滕

傳滕人恃晉而不事宋宋師伐滕○胡氏曰稱

師用衆也鄰有弑逆不能聲羣致討乃用大

公孫歸父

如齊葬齊惠公

胡氏曰歸父仲遂之子也宣公深德齊侯之能定其位又以濟西歸之故生則

事之不辭屈辱致則親往奔喪使貴卿會葬○愚案春秋書此深著亂臣賊子不復明送終之正禮故缺於天子而厚於強國豈非九伐之威不行而專征之討不加以至於此與
晉人宋人衛人曹人

伐鄭

傳鄭及楚平諸侯之師伐鄭取成而還○愚案稱人者貶其捨亂臣賊子之大惡而輕動干戈以討

迫於強令無所適從之小國桓五年諸侯從王伐鄭之經詳言之矣
秋天王使王季子來

聘

傳劉康公來報聘杜註康公即王季子其後食采於劉○謹案宣公事周簡慢極矣僅遣一介而重臣繼

來書以見王室之無政如此故許翰曰自是王靈益亡王聘益輕春秋王聘不復錄矣

公孫歸父

帥師伐邾取繹

繹公羊作穎杜氏註魯國鄒縣有繹山○案詩保有昆繹邾文公卜遷于繹皆

此也今在襲慶府鄒縣為邾魯二國之境
大水

陰長陽消亂賊乘勢之徵

季孫行父如齊

○冬公孫歸父如齊

傳季文子初聘于齊冬子家如齊伐邾故也○胡氏曰齊侯嗣立公

往奔喪卿共葬事矣修聘宜可緩也而季孫亟行歸父繼往宣公不知以禮為國而謂妄說可以免討也歸父

貪於取繹畏齊而往蓋理曲氣餒能無畏乎故備書不削以著其辜齊侯使國佐來聘

武子來饑王政以民食為重故積貯天下之大命也前報聘此百有餘年水旱螟螽之災多矣不以饑書

今大水之後特書饑者著宣公煩於事外國用無節上下困竭故一遇水旱遂致乏食耳苟卿論本末源流賈

誼論蓄積皆明於為民楚子伐鄭傳楚子伐鄭晉士會知春秋書饑之意者也

楚子伐鄭救鄭逐楚師于潁北諸侯之師戍鄭○胡氏曰九年楚子伐鄭稱爵者貶辭也蓋下書晉卻缺救鄭則臯楚可知矣此年楚子伐鄭

稱爵者直詞也以傳書士會救鄭逐楚師而經削之則責晉可知矣

十有一年春王正月○夏楚子陳侯鄭伯盟于辰陵

辰陵

穀梁作夷陵杜氏註陳地潁川長平縣東南有辰亭今淮寧府西華縣○傳楚子伐鄭及櫟子良曰晉楚不務德而兵爭與其來者可也乃從楚盟于辰陵陳鄭服也○楚莊於是合二國為盟而欲討陳夏徵舒也春秋以晉齊二大國方且用兵于莒狄而不能討獨楚莊合諸侯以討之所以楚子書爵於陳侯鄭伯之上與之也

公孫歸父會齊人伐莒

莒恃晉而不事齊魯從齊而伐之事齊故聽命也兵不討亂而

附強凌弱深著齊魯之臯也

秋晉侯會狄于欒函

欒函狄地○傳晉卻克求成于衆狄

衆狄疾赤狄之役遂服于晉故會于欒函○今案書會狄者內中國而外狄也晉侯為盟主而往與狄會捨夏徵舒之臯以遺楚討使楚舉大義以加於中國又欲與楚爭鄭楚直晉老所以敗於邲也

冬十月楚

人殺陳夏徵舒

傳楚子為陳亂故伐陳謂陳人無動將討於少西氏遂入陳執夏徵舒轅諸栗

門○今案楚子夷狄也能殺夏徵舒而其書之也與衛殺州吁蔡殺陳佗一例書之者所以明亂臣賊子人道共惡人人得討不間中國夷狄所以廣忠孝之路而拯救三綱於大亂之日也○孫氏曰與楚者傷中國無人喪亂陵夷之極也

丁亥楚子入陳納公孫寧儀行父于陳

傳楚子入

陳殺夏徵舒遂縣陳申叔時使於齊反復命而退王使讓之曰夏徵舒為不道弑其君寡人以諸侯討而戮之諸侯縣公皆慶寡人汝獨不慶何故對曰徵舒弑君其辜大矣戮之義也諸侯之從也曰討有辜也今縣陳貪其富也以討召諸侯而以貪歸之無乃不可乎王曰善哉乃復封陳鄉取一人焉以歸謂之夏州○陸氏微旨曰八人之國又納淫亂之臣邪也故明書其爵以示不正春秋之義彰善癉惡纖芥無遺稱事原情瑕瑜不掩

斯之謂也○胡氏曰公孫寧儀行父此二臣者從君於
昏宣淫於朝誅殺諫臣致君見弑蓋致亂之臣肆諸市
朝與衆同弃然後足以終討亂之義而快於人心今乃
詭詞奔楚託於討賊復讎求脫其臯楚莊不能察其反
覆又使陳人用之猶人有飲醢而死者幸而復生又強
以毒飲之也聖人外此二人於陳而特書曰納納者不
受而強納之也為楚莊者若能諸夏氏之宮封泄治之
墓尸孔寧儀行父于朝謀於陳衆置其君而去其庶幾
乎○愚案孔寧儀行父必因奔楚誘楚子以利故楚子
殺徵舒而縣陳微申叔時之言則陳遂亡矣楚莊懷夷
狄貪婪之心而尚能以義自克故封陳而不取然見善
不明而非有改過不吝之公心所以雖封陳而終宥陳
之亂臣復納諸國聖人予善之弘待人之公先旌其討
賊之義然後著其入陳且納亂臣之臯使楚莊之善惡
功臯顯然明白詳味此編則知非
聖人莫能修而游夏不能與者矣

十有二年春葬陳靈公

公羊傳討此賊者非臣子也何以書葬君子詞也○胡氏曰天

下之惡一也臣子不能討而有天子方伯四隣同盟方

域諸侯四夷君長與凡民皆得討之所以明大倫存天

理也徵舒雖楚討之陳之臣子亦可以釋怨矣故得書葬君子詞也

楚子圍鄭

傳楚子圍鄭三月克

之入自皇門至于達路鄭伯肉袒牽羊以逆王曰其君

能下人必能信用其民矣退三十里而許之平潘尨入

盟子良出質○胡氏曰入皇門至達路即其國都矣不

書入而止書圍蓋陳之亂天子方伯不能討而楚能討

之故從末減以見誅

亂臣賊子之為重也

夏六月乙卯晉荀林父帥師及楚

子戰于邲晉師敗績

邲鄭地地譜鄭州城下管城縣有邲城在縣南○公羊傳楚莊王圍

鄭三月克之鄭伯肉袒左執茅旌右執鸞刀以逆曰寡

人無良邊垂之臣以干天禍是以使君王沛焉辱到敝

邑君如矜此喪人錫之不毛之地使帥一二耆老而綏
焉請惟君王之命莊王曰君之不令臣交易為言是以
使寡人得見君而微至乎此親自手旌左右撫軍退舍
七里將軍子重諫曰南郢之與鄭相去數千里諸大夫
死者數人廝役扈養死者數百人今君勝鄭而不有無
乃失臣民之力乎莊王曰古者杆不穿皮不蠹則不出
於四方是以君子篤於禮而薄於利要其人不要其土
告從不赦不詳吾以不詳道民災及吾身何日之有既
則晉師之救鄭者至曰請戰莊王許諾將軍子重諫曰
晉大國也王師淹病矣君請勿許莊王曰弱者吾威之
強者吾避之是以使寡人無以立乎天下今之還師逆
晉人莊王鼓之晉師大敗晉衆之走者舟中之指可掬
矣莊王曰嘻吾兩君不相好百姓何罪令之還師而佚
晉人○傳夏六月晉師救鄭荀林父將中軍先穀佐之
士會將上軍卻克佐之趙朔將下軍欒書佐之及河聞
鄭既及楚平桓子欲還曰無及於鄭而勦民焉用之楚

歸而動不後隨武子曰善會聞用師觀釁而動楚君討鄭怒其貳而哀其卑叛而伐之服而舍之德刑成矣伐叛刑也柔服德也二者立矣若之何敵之見可而進知難而退軍之善政也先穀曰不可晉所以霸師武臣力也今失諸侯不可謂力有敵而不從不可謂武由我失霸不如死且成師以出聞敵強而退非夫也命為軍帥而卒以非夫唯羣子能我弗為也以中軍佐濟楚子北師次于郟將飲馬于河而歸聞晉師既濟王欲還嬖人伍參欲戰言於王曰晉之從政者新未能行令其佐先穀剛愎不仁未肯用命其三帥者專行不獲聽而無上衆誰適從此行也晉師必敗且君而逃臣若社稷何王病之告令尹改乘轅而北之次于管以待之楚少宰如晉師曰寡君此行也將鄭是訓定豈敢求臯于晉二三子無淹久隨季對曰昔平王命我先君文侯曰與鄭夾輔周室毋廢王命今鄭不率寡君使羣臣問諸鄭豈敢辱候人先穀以為諂使趙括從而更之曰行人失詞寡

君使羣臣遷大國之跡於鄭曰無避敵羣臣無所逃命
楚子又使求成於晉晉人許之盟有日矣楚許伯御樂
伯攝叔為右以致晉師晉魏錡求公族未得而怒欲敗
晉師請致師弗許請使許之遂往請戰而還趙旃求卿
未得且怒失楚之致師者請挑戰弗許請召盟許之與
魏錡皆命而往晉人懼二子之怒楚師也使以軼車逆
之潘黨望其塵使騁而告曰晉師至矣楚人亦懼王之
入晉軍也遂出陳孫叔曰進之寧我薄人無人薄我遂
疾進師車馳卒奔桓子不知所為鼓於軍中曰先濟者
有賞中軍下軍爭舟舟中之指可掬也及昏楚師軍于
邲晉之餘師不能軍宵濟亦終夜有聲丙辰楚重至于
邲遂次于衡雍祀于河作先君宮告成事而還○今案
經書荀林父及之者言林父之為志乎此戰也蓋晉不
能討陳亂已失三綱軍政之本乃欲恃力以爭鄭不知
楚莊既討陳亂則師出有名而所以施於鄭者又進退
得宜勇怯中節林父上不能輔君討亂以行主盟之大

義而此行本為救鄭而鄭已服楚軍政失於輿尸士穀之徒恃強專制故林父雖知楚之不可敵而不能止諸帥之從楚師觀公羊之言則知楚子之所以勝觀左氏之言則知晉之所以敗此春秋所以不書晉之救鄭而特以林父主此戰著其敗師之辜也

秋七月○冬十有二月戊寅楚子滅

蕭

蕭宋附庸國也○傳楚子伐蕭宋華椒以蔡人救蕭蕭人囚熊相宜僚及公子丙王曰勿殺吾退蕭人殺

之王怒遂圍蕭明日蕭潰○胡氏曰假討賊而滅陳春秋以討夏氏之義重也末滅而書入惡貳己而入鄭春秋以退師之情恕也末滅而書圍與人為善之德宏矣至是肆其強暴滅人之國不可赦也故傳稱蕭潰經以滅書斷其辜也

晉人宋人衛人曹人同盟于清丘

清丘衛地

其日謹之也

地譜今濮州臨濮縣東南有清丘○傳晉原穀宋華椒衛孔達曹人同盟于清丘曰恤病討貳○胡氏曰楚既

入陳圍鄭敗晉滅蕭憑陵中國甚矣為諸侯計者宜信任仁賢修明政事自強於為善則可以保其國耳曾不
是圖而刑牲歃血要質鬼神求以禦楚謀之不臧孰大
於是故國卿貶而書人譏失職也原穀違命喪師乃晉
國臯人而主茲盟約

宋師伐陳衛人救陳

傳宋為盟故伐陳衛人救

之孔達曰先君有約言焉若大國討我則死之○胡氏
曰陳有弑君之亂宋不能討而楚能討之雖曰縣陳尋
復封之其德於楚而不貳未足責也宋不能內自省德
遽以大衆伐之非義舉矣衛人救陳背盟失信而以救
書者見陳未有臯而受宋師為可恤也且謀國失圖安
興師以怒強楚則亂益滋矣其以救書意在責宋也若
衛叛盟則不待
貶絕而惡自見

十有三年春齊師伐莒

傳齊師伐莒莒恃晉而不事齊故也

夏楚子伐宋

傳以其救蕭也○今案孟子曰天下無道小役大弱役強天也順天者存逆天者亡宋不知屈伸消長之道而欲以區區之力強中國由此致伐○胡氏曰楚滅蕭將以脅宋諸侯懼而同盟為宋人計者恤民固本輕徭薄賦使民效死親其上則可以待敵矣計不出此而急於伐陳攻楚與國非策也故楚有詞于伐而得書爵

螽

○冬晉殺其大夫先穀

傳赤狄伐晉及清先穀召之也冬晉人討邲之敗與清之

師歸臯於先穀而殺之盡滅其族○胡氏曰先穀違命大敗晉師不能用鉞已失刑矣今又重有臯焉晉人治其臯而戮之義也曷為稱國以殺而不去其官夫兵者安危所係有國之大事也將非其人則敗雖得其人使親信間之則敗以剛愎不仁者參焉而莫肯用命者則敗凡此三敗君之過也河曲之戰趙穿獨出而史駢之謀不用濟涇而次欒黶欲東而荀偃之令不行今荀林父將中軍乃以先穀佐之使敵國謀臣知其從政者新

未能行令誰之過與稱國以殺不去其官臯累上也○愚謂盡滅其族必怒其召狄也然越椒將攻王而楚莊尚思子文治楚而復克黃之所先穀先軫之孫而滅其族蓋晉之德刑皆不足以敵楚矣

十有四年春衛殺其大夫孔達

傳清丘之盟晉以衛之救陳也討焉使人弗去

曰臯無所歸將加而師孔達曰苟利社稷請以我說我則為政而亢大國之討將以誰任我則死之春孔達縊而死衛人以說于晉而免○蘇氏曰孔達則有臯矣而衛人用其言以干盟主故稱國以殺臯累上也夏

五月壬申曹伯壽卒○晉侯伐鄭

傳晉侯伐鄭為邲故也告於諸侯蒐焉而

還中行桓子之謀也曰示之以整使謀而來鄭人懼使子張代子良于楚○愚謂屈而知伸敗而能改可以興矣晉所以敗由大義不明而爭與國也今敗未兩歲而復興爭鄭之師故書晉侯以著其師之為報怨秋

九月楚子圍宋

傳楚子使申舟聘于齊曰無假道於宋亦使公子馮聘于晉曰無假道於鄭申

舟以孟諸之役惡宋曰鄭昭宋聾晉使不害我則必死王曰殺汝我伐之見犀而行及宋華元曰過我而不假道鄙我也鄙我亡也殺其使者必伐我我亦亡也亡一也乃殺之楚子聞之投袂而起屨及於室皇劒及於寢門之外車及於蒲胥之市九月楚子圍宋○胡氏曰經於宋伐陳特書救陳以著宋臯明見伐之由也國必自伐然後人伐之凡事其作始也簡其將畢也必巨易於訟曰君子以作事謀始始而不謀必至于訟訟而不竟必至於師

葬曹文公○冬公孫歸父會齊侯于穀

胡氏

若宋是矣

曰夫禮別嫌明微制治于未亂自天子出者也列國之君自相會聚是禮自諸侯出矣以國君而降班以會外臣以外臣而出位以抗諸侯是禮自大夫出矣君若贅旒陪臣執命豈一朝一夕之故哉故易於坤之初六曰

馴致其道至堅冰也易言其理春秋見諸行事若合符節可謂深切著明矣○愚謂以歸父會齊侯蓋魯素事齊而宣公之立公子遂主之故其父子常親于齊而齊亦不復計等列之不班從而與之會也非禮甚矣

十有五年春公孫歸父會楚子于宋

傳孟獻子言於公曰臣聞小國之免

於大國也聘而獻物於是乎有庭實旅百朝而獻功於是乎有容貌采章嘉淑而有加貨謀其不免也誅而薦賄則無及也今楚在宋君其圖之公悅春歸父會楚子于宋○胡氏曰楚不假道以啓轡端而圍之陵蔑中華甚矣諸侯縱不能畏簡書攘夷狄存先代之後嚴兵固圍以為聲援猶之可也乃以周公之裔千乘之國謀其不免至於薦賄不亦鄙乎此事以觀則知中國夷狄盛衰之由春秋經世之略矣

夏五月宋人

及楚人平

傳宋人使樂嬰齊告急于晉晉侯欲救之伯宗曰不可古人有言曰雖鞭之長不及馬腹

天方授楚未可與爭雖晉之強能違天乎諺曰高下在心川澤納汙山藪藏疾瑾瑜匿瑕國君含垢天之道也君其待之乃止夏五月楚師將去宋申犀稽首于王之馬前曰毋畏知死而不敢廢王命王弃言焉王不能答申叔時僕曰築室反耕者宋必聽命從之○公羊傳曰外平不書此何以書楚王圍宋軍有七日之糧爾於是使司馬子反乘堙而闚宋城宋華元亦乘堙而出見之子反曰子之國何如華元曰憊矣曰何如曰易子而食之析骸而爨之子反曰是何子之情也華元曰吾聞君子見人之厄則矜之是以告情于子也子反曰諾勉之矣吾軍亦有七日之糧耳盡此不勝將去而歸爾捐而去之反于莊王莊王曰何如曰易子而食之析骸而爨之莊王曰嘻甚矣憊吾今取此而後歸耳子反曰不可臣已告之矣軍有七日之糧耳莊王怒曰吾使子往視之子曷為告之子反曰以區區之宋猶有不欺人之臣可以楚而無乎是以告之也莊王曰諾吾猶取此而後

歸耳子反不可乃引師而去之此皆大
夫也其稱人何貶曷為貶平者在下也

六月癸卯晉師

滅赤狄潞氏以潞子嬰兒歸

潞氏今潞州潞城縣杜氏
註潞赤狄之別種潞氏國

故稱氏子爵也○傳潞子嬰兒之夫人晉景公之姊也
酆舒為政而殺之又傷潞子之目六月癸卯晉荀林父
敗狄于曲梁辛亥滅潞○胡氏曰上卿為主將而稱師
者著其暴也潞嬰兒不死社稷比於中國而書爵者免
嬰兒之責詞也酆舒為政而殺其君之夫人又傷其君
之目則酆舒者辜之在也為晉計者執酆舒輶諸市立
黎侯定潞子改紀其政則諸狄服疆域安矣今乃以
其君歸何不仁之甚哉春秋所以責晉而略狄也

秦

人伐晉○王札子殺召伯毛伯

傳王孫蘇與召氏毛氏
爭政使王子捷殺召戴

公及毛伯衛卒立召襄○杜氏註王子捷即王札子穀
梁曰矯王命以殺之非忿怒相殺也故曰以王命殺也

為天下主者天也繼天者君也君之所存者命也為人臣而侵君之命而用之是不臣也為人君而失其命是不君也君不君臣不臣此天下所以傾也○襄陵許氏曰拓跋魏世高歡觀張彞之變而生亂心梁世武帝在位王侯專殺政法不施遂以亂亡無惑乎周之無以令天下也

秋螽

螽公羊作螽○案自六年至今三遇

蟲災而水旱未與焉此宣公仲孫蔑會齊高固于無婁

無婁公羊作牟婁恐當從之聲之初稅畝傳初稅畝非

訛也杞邑○大夫相會蓋始於此初稅畝禮也穀出不

過藉以豐財也○公羊傳初者何始也稅畝者何履畝而稅也何以書譏始履畝而稅也古者什一而藉什一

者天下之中正也多乎什一大桀小桀寡乎什一大貉小貉什一者天下之中正也什一行而頌聲作矣○穀

梁傳古者什一藉而不稅初稅畝非正也古者三百步為里名曰井田井田者九百畝公田居一私田稼不善

則非吏公田稼不善則非民初稅畝以公之與民為已
悉矣古者公田為居井竈蔥韭盡取焉○胡氏曰孟子
曰耕者藉而不稅則天下之農皆悅而願耕于其野矣
初稅畝者譏宣公廢助法而用稅也初者志變法之始
也其後作丘甲用田賦二冬蠃生蠃蝨子也滋生而將
猶不足皆宣公啓之也為害是以記之也

饑

宣兩書饑一在大水之後一在蝨蠃
之後甚言國無蓄積而民無以生也

十有六年春王正月晉人滅赤狄甲氏及留吁

傳晉士
會帥師

滅赤狄甲氏及留吁鐸辰○案晉自不得志於楚
而一意用武於狄兼并其地會書人深貶之也

夏成

周宣榭火

榭公羊作謝火公穀並作灾○成周者周之
東都今之洛陽宣榭者廟無室曰榭杜氏以

為講武屋宣王南征北伐講武於此詩所謂復會諸侯
于東都因存其廟蓋古者祖有功故百世不毀也○胡

氏曰呂大臨考古圖有邠敦稱王格于宣榭是知宣王之廟也周哀貴戚擅殺大臣而天子不討王室不復中興矣人火之天

秋郊伯姬來歸

傳出也○胡氏曰詩記男女之際易叙咸恒為

所以見戒乎

下經首春秋內女出夫人歸詳書于策所以使有國者謹於齊家之道正人倫之本也

冬大有年

宣公奪嫡而立王誅不加而天灾饑饉之禍屢降今年大有年亦所以記答證常多故曰記異也

十有七年春王正月庚子許男錫我卒○丁未蔡侯申

卒○夏葬許昭公○葬蔡文公

胡氏曰日卒書名起得禮也葬不月其略在內

宣公不知禮義邦交之實送終獨厚於齊而利害不切於身者皆薄其禮大則君親次則盟主又其次秦衛若滕雖赴告而不會葬考春秋之備書而宣公不謹於事上交鄰之臯見矣

六月癸卯日有食

之○己未公會晉侯衛侯曹伯邾子同盟于斷道

傳晉侯使

卻克徵會于齊齊頃公帷婦人使觀之卻子登婦人笑

於房獻子怒出而誓曰所不此報無能涉河齊侯使高

固晏弱蔡朝南郭偃會及斂孟高固逃歸夏會于斷道

討貳也盟于卷楚辭齊人晉人執晏弱于野王執蔡朝

于原執南郭偃于溫晉師還此蓋卻克怒

齊之甚假同盟之禮約束諸侯共伐齊也秋公至自會

○冬十有一月壬午公弟叔肸卒

穀梁傳其曰公弟叔肸賢之也其賢之何

也宣弑而非之也非之則胡為不去也曰兄弟也何去

而之與之財則曰我足矣織屨而食終身不食宣公之

食君子以是為通恩也以取貴乎春秋○泰山孫氏曰

不曰公子公孫以見肸無祿而卒也○胡氏曰公子為

正大夫而書卒貴也不

為大夫而特書卒賢也

十有八年春晉侯衛世子臧伐齊

傳晉侯衛世子臧伐齊至于陽穀齊侯會

晉侯盟于緡以公子彊為質于

晉晉師還蔡朝南郭偃逃歸

公伐杞○夏四月○秋

七月邾人戕鄆子于鄆

公羊傳戕鄆子于鄆者何殘賊而殺之也○范氏曰于鄆惡臣

子不能距難○胡氏曰邾人蓋嘗執鄆子用之則不共戴天之世讎也既不能復又使邾人得造其國都而戕

殺其君曰于鄆者所以深責鄆之臣子至此極也

甲戌楚子旅卒

旅穀梁作呂○公羊傳何

以不書葬吳楚之君不書葬辟其號也○胡氏曰不書葬者恐民之惑而避其號蓋仲尼削之也

公孫

歸父如晉

傳公孫歸父以襄仲之立公也有寵欲去三桓以張公室與公謀而聘於晉欲以晉人去

之○胡氏曰宣公刻意事齊易世猶未怠也及頃公不能謹禮怒晉魯上卿而卻克當國決策討之晉方強盛

齊少懦矣於是背齊而事晉其於邦交以利為向背者也況欲以晉人去三桓夫輕於背大國易於謀大家而不知其本末未有冬十月壬戌公薨于路寢○歸父還能成而無悔者也

自晉至笙遂奔齊

笙公穀並作檉○傳公薨季文子言於朝曰使我殺嫡立庶以失大援者

者仲也夫臧宣叔怒曰當其時不能治後之人何臯子欲去之許請去之遂逐東門氏子家還及笙壇帷復命於介既復命袒括髮即位哭三踊而出遂奔齊○胡氏曰三年無改於父之道可謂孝矣孟莊子之孝以其不改父之臣與父之政也夫仁人孝子於其父之臣非有大不可赦如晉悼公於夷羊五之屬必存始終進退之禮而不遽也歸父以君命出使未返而君薨在禮有執圭復命于殯之文升自西階子臣皆哭情亦戚矣宣公猶未殯而東門氏逐忍乎哉書曰歸父還自晉者已畢事之詞也至笙遂奔齊者臯成公君臣死君而忘父亟

逐之也此事以觀則見當國者有無
君之心此春秋所以作不可不察也

春秋卷六